

MATA A MULIMU A KU FETULA

 [Muzwale Branham u zibahaliswa ki Muzwale Carl Williams—Mu.] Ni itumezi, muzwale. [“Luli haki litohonolo ni leo fa kuba ni Muzwale Branham kutahanga kwa Phoenix fa ni fa. Ni nahana kuli utahanga kwa Phoenix linako zeñata kufita libaka zeñwi. Mi lu bata kuli ano tahanga, haibile fela Niteni kwanu, eeni sha. Mulimu aku fuyole, Muzwale Branham.”] Ni—ni itumezi, Muzwale Williams.

Mu zuhile, balikani. Ni ya... Mo mwa lubasi lwa baha Shakarian, Muzwale Williams ni Kezeli Williams ni babañata ba bona mo baziba ka zona. Ne ni boni cwalo mwa pono, mwendi ki myaha yemibeli kamba yemilalu kwa mulaho asika kula kale, mi sa ezahala.

² Mi ñohola hane luli kwanu, Ni lumela kuli neli ka Sope, mwa mukopano, neli nako yakuli muprisita yani (ki yena mañi libizo? Ni libezi libizo la hae cwale) naliteni kwanu. [Yomuñwi uli, “Stanley.”—Mu.] Stanley, Bishop Stanley, yazwa kwa keleke ya Katolika. Mwa hupula ha ni tambeka Bibele, mwa ziba, mi ki hali ku na...

Neli bopolofita bo buñata cwalo, “Mwana ke wa musizana, u folisizwe.”

³ Mi a ziba kuli pono ne ibulezi kuli haana kufola. “U ka shwa mwahala tuu ni sili kiloko kakusasana.” Mwa muhupula cwalo? [Yomuñwi uli, “Eeni.”—Mu.] Kacwalo, tuu kamba sili kiloko.

⁴ Mi Ne ni si ka bulelela Demos. Kono Ne ni bulelezi bomahba mutose, ona mwa muzuzu mwani, mwa sibaka ona se kwanu. Na li, “Haana ku ba hande.”

Musala Bo. Shakarian ali, “Kihande, mañi ni mañi usweli wa polofita.”

⁵ Na li, “Kakuli, hakulata Nakona kufosa, na kasibili, kono Ne ni bulezi cwalo. Haana kuba hande.”

⁶ Ne ni bulelezi babañata babona, mwendi ka lilimo zetalu kwa mulaho, “Na mubona a matela bupilo bwa hae, mi akena mwa mumbeta. Mi a nanula mazoho a hae ni kuhuwa kuna, sina cwalo. Mi Na—Na palelwa neba ku muswala. Mi Na mu bona ha shwa. Mi Na talima, mi nekuna ni nto yeñwi, nekuna ni waci, mi yali kinto ye li mwahala tuu ni sili kiloko.”

⁷ Mi kacwalo bishopu ali, “Kihande, Ni ka talima fela nibone mo li ka ezahalela zeo.” Kacwalo, za to ezahala handende.

⁸ Luna luswabile luli. Ni i kutwa kuli keleke i tobezwi ki mutu yomituna, ku Kezeli Florence Shakarian. Kono, nali muopeli yomituna, nali musali yatezi Moya.

⁹ Nenili ni bomaha; bomaha neli balibañwi bapili bo ne Ni ziba kwa Likamba la Wiko, bomaha ha ne ba folile. Fani baalafi... . Nebali mwa koma, mi ba luluhile maswe. Mi kacwalo do—do dokota yanali ani bulelela, ali, “Cwale u kutumane luli ha u ka lapela. Usike waeza lilata hahulu. Musali yo wa shwa.”

Se nili, “Eeni, sha.”

¹⁰ Mi ki hali, cwale, nasweli fela ku ni bulelela. Mi, kihande, Ne ni sina neba kolo ya ku kwalula mulomo waka, cwalo.

¹¹ Kacwalo, neli Muzwale Demos yana ni bulelezi kuzwelapili ku yo mubona.

¹² Kacwalo, Na ya fandu yafahalimu. Mi Florence na kubami fafasi, mi musizana yomuñwi yomunde yomunyinyani, ni basali babañwi babañata. Mi na yo mulapelela, ni ku kandeka zateni. Mi na sa zibi zateni. Ni ku mu bulelela kuli uka zuha hape. Mane a zuha. Lilimo nyana kasamulaho, a shwa. Mi cwale Mulimu u alaba litapelo zaluna.

¹³ Mi lu ziba cwalo, lu lumela kuli kaufela lutive faa ka tato ya Mulimu, mi lu ka zwa fateni ka nzila yeswana. Alimuñwi ka alimuñwi, mañi ni mañi lu ka sila museto wani. Mi kona ze lutezi mo kakusasana cwana, lukopani hamoho mwa Mukopano wo wa Baana ba Pisinisi ya Bukreste, ki kuambola litaba zee, ni ku itukiseza zona, kakuli lu ziba kuli li na ni kutaha luli.

¹⁴ Cwale Kezeli Florence ki musali wa sanana, una ni myaha ye fote-tuu ya kupepwa, Muzwale Williams uni bulelezi ona cwalo, mi ki mwanana luli. Kono bona basika ba kale... . na ziba kuli una ni butuku boi, kiñi, Na bona pono ya hae, mi ya ni bulelela ze ka mutahela. Mi, ikona kuba... . Mulimu u ziba hande ka zona, ni yena abona Jesu mwa muzuzu wani asika funduka kale. Ha lu lati fela ku mu lapelela, kakuli luezize cwalo hahulu. Lubata fela kulumba Mulimu ka bupilo bone buli mwahala luna, bo bu lu susuelize kaufela luna, sina Kezeli Shakarian.

¹⁵ Mi lubata ku lapelela Muzwale Demos, Kezeli Rose. Mi muhupule, babile ni butata luli mwa bupilo bwa bona, mwa nako yefelile... . ki bondatahe, ni kezela hae cwale mwa za hae... . lilimo zepeli zefelile. [Yomuñwi u ambola ni Muzwale Branham—Mu.] Kono, hape, eehe, mwatasi a... . mwatasi, a likweli zelishumi; ni Kezeli—Kezeli Edna, hape.

¹⁶ Kacwalo, Na ziba mwa kubela ni makeke ni Muzwale Demos. Ne ni na ni bondate, muzwale, musala ka, ni mbututu, ba bashutana ka mazazi alikani fela mwahali, kacwalo Na—Na ziba mwa ikutwela kakusasana cwana. U ziba fela ha u yemi mwa maikuto aswana, fo kona ha u kona kuziba mwa ku utwisiseza maikuto ababañwi. Mi... .

¹⁷ [Mushini wa ku utwahalisa manzwi utaza lilata—Mu.] Ni ezize na kasibili. Mu ni swalele. Ni ngunguzi fa sipangaliko

fokuñwi, ka lizoho. Kacwalo Mu—Mu ni swalele Ni si huwisize, ne ni sa talusi kueza cwalo.

¹⁸ Kacwalo ha lu yemeñi cwale halunze luna . . . haiba mu kona, haiba ki . . . Ha lu inamiseñi litoho zaluna.

¹⁹ Ndata wa Lihalimu, lu kopani mo kakusasana cwana ku to lapela Wena, ni kufa milumbeko ku Wena ni buitumelo, ka ku lu lumela Jesu Muliululi waluna, yo luna ni sepo yakuli bupilo bo ha se bufelile, ka kubona kuli ha ku zibahali hande haiba lu ka pila fa ka nako kaufela. Mi, Ndate, ka kubona mikwa ye sinyehile yeo mibili ye ifita teñi, lu tabezi kuli haluna kupila kulo fa ka nako ye kaufela. Wena u li ezelize nzila ya kusaba ka yona, mane ku yo punya mwa musindi wa lifu.

²⁰ Mi, Ndate, lu itumezi ku Wena kakusasana cwana, ka bupilo bwa yana yemanga ni luna, mwahala silimo nyana fela kwa mulaho, na opelanga minembo ya Hao; Kezeli Florence Shakarian, ka mo ne lu mu zibela. Mi Wena u lu bulelezi kale mane, seli lilimo, kuli se si ka ezahala, kuli halina ku lu komokisa hahulu. Mi lu ziba kuli Zo bulezi ki za niti. Mi cwale Linzwi la Hao lili, “Mutu ya pepilwe ki musali, ki wa mazazi a manyinyani mi atezi liziyezi.” Lu ziba kuli yeo ki niti, hape, Mulena. Lu ziba kuli luna kaufela luna ni kutaha mwa musindi wani. Kacwalo lu itumela ku Wena ka bupilo bwa hae bone buli mwa lifasi moo. Ni kulumela ka tumelo, kuli cwale, kakusasana cwana, u zwile mwa ndu ya likokwani ye ya manyando, ukeni mwa mubili o kanya osike wa kula. Mi litalenta za hae za kuopela, ni linzwi lana nani, mi moyo wa hae utabezi mwa muhau ni Kreste! Kuli akute kakusasana cwana, nasike aeza cwalo kusina mukwa; una ni ku kufita mwa lika ze kaufela hape. Mane, cwale se ku felile, u inzi ni bo mahe ni bo ndatahe. Ba bizelize mbututu wabona kwa hae. Kacwalo, lwa—lwa itumela ku Wena.

²¹ Hape lu bata kulapelela fa buiketo, bwa Muzwale waluna Shakarian, muzwale waluna yomunde, ka kuziba kuli—kuli bupilo bwa pilile, ni maswenyeho asweli kufita kuona mwa mazazi a maungulo aa, ni mo ainezi; lwa mubona hanza supala, mi milili ya hae se i kumauha, mi maheta a hae sa weyuka, mi ulika kupila mwa simu ya Mulimu. Mulimu, mufe mata kacenu. Lwa lapela, Mulimu, kuli U ka lumeleza. Ku bona kaufela baba swabile bakeñisa kutimela kwa hae, lwa lapelelana.

²² Mi kifohe cwale, Mulena, halunze lu nahana cwana kuli, ni kuhupula kuli zazi leliñwi lu swanelia kuya. Halunze lu li inzi cwana hamoho mo mwa Kubateni kwa Mulena Jesu, lu kupa kuli U lu tiseze kupuzo zenca mwa maikuto aluna. Mi lutuse kuli lu i ceke, mo lukona kubulelela, kamba lunge lipatisiso za bupilo bwa luna, kuli lube mwatasi a Mali mi ni mwa Tumelo. Lumeleza cwalo, Mulena.

²³ Cwale hanze Ni lika mwatasi a matata cwana ka kutisa liñusa kwa sicaba, kacenu, Ni lapela kuli U ni tuse, Mulena.

Ni tiise, kakuli Na—Na—Na tokwa cwalo, Mulena. Mi Ni lapela kuli U lumeleze cwalo. Mi sesiñwi si bulelwe se si ka fa likute ku Wena. Mi haiba kuna ni yomuñwi yali mwatasi a linzwi la luna kakusasana cwana, ya si ka itukiseza ku kopana ni hola yeli fapila hae, ye shangwe haibe nako yeo aka ipa ku Wena Yana ize, “Kina Nzila ni Bupilo, ni Niti,” yena Mulena luna Jesu Kreste. Kakuli lu kupa ka Libizo la Hae. Amen. (Mwakona ku ina.)

²⁴ [Yomuñwi fa kata la ubulela ni Muzwale Branham—Mu.] Muzwale kwanu ubata kuziba haiba mañi ni mañi mwa teeleeza hande. Una ni ma maiki amabeli atuka. Kana ku cwalo? Kana mwa utwa nji? Mu nanule mazoho amina haiba mwa utwa. Kana mwa utwa nji? Mu nanule mazoho a mina. Ku lukile.

²⁵ Mu ni swalele kuli haluna sibaka mwa kuina mañi ni mañi kakusasana cwana. Mi lu sepa kuli Hanina kuinelela fahalimu fa nako yeñata, ki nako yelikani fela yakuli mwendi lubale Linzwi; kuli Mulena Mulimu uka kuteka Linzwi la Hae le li baliwa, mi u ka lufa sishemo sa Hae, kuli lukone ku Mu sebeleza ka sona.

²⁶ Cwale Ne ni bulelezwi ki Billy Paul, kakusasana cwana, kuli kube bunolo kuli lubulele Sunda yetaha kwa Grantway Assembly of God, mwa Tucson. Haiba kuna ni yomuñwi mo yazwa kwa Tucson, hakulata Hanina ku mibona mwa biki yee. Ni kaba kwa Grantway Assembly of God, Sunda yetaha.

²⁷ Kacwalo cwale kona lu sa zo kuta fela kwa Upa, mi Ni botehile luli, ka kuca hahulu, ni sishemo sesiñata sa batu kwani kwa malundu. Mi—mi Ni kula hahulu, kacwalo Ha ni si ka ikutwa hande biki yee. Kacwalo, mu ni lapelele kwateni. Mi . . .

²⁸ [Yomuñwi uli, “Binyonde ki byebiñata.”—Mu.] Ubulela cwani? [“Binyonde ki byebiñata.”] Muzwale Carl Williams ni lisheha la hae, mi Ni sepa kuli lwa litokwa cwale, ki hali, “Binyonde ki byebiñata.” Ha ni zibi ka zeo, Muzwale Carl, kono ki tumale totuñata hahulu. [Muzwale Branham waseha.]

²⁹ Kacwalo mubata kulapelela mutu kakusasana cwana, kupalañi, Ni—Ni ka itumela luli haiba ikona kuba litapelo za mina ku na, kakuli Na—Na li tokwa.

Cwale lu bata kuya kabubebe lukene mwa Linzwi.

³⁰ Mi ha Ni lati ku mi buluka nako yetelele kulo moo, kakuli Ni lumela kuli kuna ni babateeleza ka mawaile mwa na ha, kakusasana cwana, kukalela koo kwa Likamba la Wiko ku yo punya kwa Likamba la Upa, ni kwa Mutulo mane ni Mboela. Babañata, ñata ba putehani sina mo mu putehanezi mwa tabernakele cwana. Mane ni kwa Phoenix ba luteeleza, kuli kwa libaka kaufela kuna ni lisebelezo, litaha mwa . . . Mi ba kopanezi mwa likeleke ni mwa malapa, ni lika zecwalo, ka manzwi a utwahala hande. Ba bulela kuli mane kiyende kufita kuteeleza fa silimba. Ki kuteeleza kwa luwaile, ba pahekile neke la ku teeleeza kwa zebe, kamba kaufela mo ba ezelize, mwa sibaka. Mi bona . . . Musala ka naize, hane luzwa kwa Indiana sunda

yefelile, kutaha kwa Tucson, kuti nekuswana fela sina kuyema mwa sibaka mo ku kutalezwa. Kacwalo lu lapela kuli Mulimu afuyoole kamukana babali kwande koo fa mihala kakusasana cwana, kaufela ko ba inzi. Koo kwa New York cwale ni kona, oh, mwa musihali, ni linako zeshutana halinze lisilana mwa naha.

³¹ Cwale mwa Buka ya Maroma, kauhanyo ya 12, ni timana ya 1 ni 2, lu bata—bata kubala Liñolo lee.

Cwale na mi lapela, banabahesu, ka mukekecima wa Mulimu, kuli mu beeble mibili ya mina ibe sitabelo se sipila, se si kenile, se si kateleha ku Mulimu, ili yona sebelezo ye mi lukezi.

Hape musike mwaya ka ku likanyisa lifasi: kono mufetuhe ka kushemunwa mwa kutwisiso ya mina, kuli mu lemuhe se si latwa, kana ki sifu sesinde, ni se si petehile... sesinde, se si kateleha, se si petehile, ili tato ya Mulimu.

³² Cwale, haiba Mulena alata, Ni bata kunga tuto kakusasana cwana, yakuli: *Mata A Mulimu A Ku Fetula*.

Kuli musike mwa ya ka kulikanyisa lifasi le: kono mube... mufetuhe ka kushemunwa kwa mwa kutwisiso yamina, cwale, mi mubonise sesinde, se si petehile, ni se si kateleha, ili yona tato ya Mulimu.

³³ Ki palo ya kale ye zibahala kwa buñata bwa mina balisana mu i tusisize yona mwa linako zeñata. I titusisizwe hahulu kuzwa fo I ñolezwi. Kono niteñi, nto iliñwi ka Linzwi la Mulimu, Ha li supali, kakuli Ki Mulimu. Ha li supali. Mwa lusika ni lusika cwale, nibulele cwalo, mwendi myaha ye eiti-handeleti cwalo, kamba kufitelela, Linzwi la Mulimu le libalilwe ki baana, baprisita, ni babañwi cwalo, kono mane ha Li supali. Ni Li balile linako zeñata, na kasibili, ka myaha ye mashumi amalalu cwalo. Mi nako kaufela ha Ni Li bala, Ni fumana sika se sinca ku ze Ni kile nabona nako yapili. Kakuli, Li susumelizwe, Ki Mulimu mwa mufuta wa litaku. Mwabona, Ki milelo ya Mulimu ye bulelwa, mi i ñozwi fa pampili.

³⁴ Linako zeñata, mutu ubulezi kuli, “Kihande, cwale, ki mutu yana ñozi Bibebe.” Batili. Bibebe ibulezi, Yona kasibili, kuli Mulimu na ñozi Bibebe. Ki lona Linzwi la Mulimu.

³⁵ Mi Ha li koni kupalelwa. Jesu naize, “Lihalimu ni lifasi li ka palelwa, kufela, kono Manzwi a Ka haana kufela.” Mi Halikoni kupalelwa, mi yena kakuba Mulimu, kakuli Ki siemba sa Hae.

³⁶ Mi cwale wena kakuba mwana Hae wa mushimani ni wa musizana, uba siemba sa Lona, mi seo si kueza kuba siemba sa Hae. Kona ha lu tahanga hamoho ku to kopanela Linzwi la Mulimu.

³⁷ Cwale linzwi le la kuli *kufetulwa*, Ne ni litalima mwa buka ya litaluso za manzwi, maabani. Mane, Ni batile kuliyeña nyana

ka nako yene Ni swanelu kuba fa, hane Ni sa patehela kubata linzwi lani, mi Na fumana linzwi le, kamba palo ye, nitaluse, Liñolo. Mi mwa dikishinari ibulela kuli ki “sika se si cincizwe.” Ki ku “cincululwa.” *Kufetulwa*, “kueziwa ka kushutana kufita mo ne sibezi sika, si bile . . . ki mikwa ni lika kaufela ze cincizwe ku sona,” *kona kufetulwa*.

³⁸ Mi ne Ni sweli kunahana kakusasana cwana, mwa Genese 1. Lifasi le nelisina sibupeho, mi ne lili feela, mi lififi ne likwahela lifasi; nekusina bunde kwanda bumaswe feela. Mi cwale lifasi le hanelili mwa buino bo bu cwalo, Moya wa Mulimu no zamaya fahalimwa mezi, mi siswaniso kaufela sa cinciwa; kuzwa kwa bumaswe bwa bumaswe, kuba simu ya Edeni. Ao ki mata a Mulimu akufetula, akona kunga sika se si sina mayemo ni kubupa sika se sinde ku sona. Mata a Mulimu a kufetula!

³⁹ Mi lu utwisisa zeo, ka kubala Mañolo, kuli Mulimu nangile myaha ye sikisi—sikisi sauzande inge abupa Edeni yee. Cwale, hakulata Na si ka nga nako yetelele cwalo; kono ka kuakaleza feela, ni ku linga mwa Mañolo fo Ibulezi kuli, “zazi li liliñwi ku Mulimu, ki myaha ye wani sauzande fa lifasi,” zeo kikuli, haiba Mulimu wakona kubala nako. Ni kubulela kuli neli myaha ye sikisi sauzande ya Na ngile fa kubupa lifasi, mi A cala lipeu zende kaufela mwa lifasi. Nekuna ni fela kaufela zende kihona.

⁴⁰ Ni sepa kuli, linako zeñata, neba basomi bakalanga kubala mwa Buka ya Genese, bakala ku I soma, kakuli kubonahala inge kuli Li sweli kukutakela Linosi, kamba ku ku yumbela fa ni fani.

⁴¹ Kono haiba lukona fela kulemuha fa nako nyana, lu si ka kena kale mwa tuto yaluna, kuli, Mushe na boni pono. Mi Mulimu a ambola ku yena. Mulimu abulela ni Mushe pata ni pata, mulomo kwa zebe. Cwale, Na sa buleli ni mutu usili ka mukwa o cwalo, sina mwa Na ezelize ku Mushe. Cwale, Mushe neli yomutuna, alimuñwi wa bapolofita kaufela. Nali mufuta wa Kreste. Mi cwale Mulimu wakona kubulela, Una ni linzwi. Kubile tata. Mulimu wakona kubulela.

⁴² Mi Mulimu wakona kuñola. Mulimu na ñozi Milao yelishumi ka muwana wa Hae Tota. A ñola limota la—la Babilona hako yeñwi, ka munwana wa Hae. A kile a inama ni kuñola mwa lishabati nako yeñwi, ka munwana wa Hae. Mulimu wakona kubulela. Mulimu wakona kubala. Mulimu wakona kuñola.

⁴³ Mulimu ki Sibuba sa muhau kaufela ni Mata, mi butali kamukana bo Bupahami, bu ku Mulimu. Kabakaleo cwale, ka kuziba cwalo, Yena ki yena Mubupi anosi yaliteni. Hakuna mubupi usili kwanda Mulimu. Satani hakoni kubupa, neba hanyinyani, yena fela ukona kulyanganisa ze bupilwe. Kono Mulimu ki yena Mubupi anosi.

⁴⁴ Kabakaleo, Na bupile ka Linzwi la Hae. A luma Linzwi la Hae. Kacwalo lipeu kaufela za Na beile mwa lifasi, A bupa lipeu zani ka Linzwi la Hae Tota, kakuli nekusina sika hape se ne

siliteni kwa kubupa lipeu. Na li yalile, mi nelili mwatasi a mezi. Mi abulela fela kuli, “Ha ku be sa *kuli*, mi kube ni sa *kuli*.”

⁴⁵ Cwale lu fumana cwana kuli, linako zeñata, kubonahala inge kuli Bibele yakutelanga kamba kubulela nto yeñwi kushutana ku ze se I bulezi kale. Ka mutaal, mwa Genese 1 lu fumana kuli, “Mulimu a bupa mutu mwa siswaniso sa Hae Tota, mwa siswaniso sa Mulimu Aba mu eza; muuna ni musali Aba bupa cwalo.” Mi cwale U zwelapili cwalo, mi lika zeñata za ezahala fa lifasi.

⁴⁶ Mi lu fumana cwana kuli, nekusina mutu wa kulima mubu. “Cwale Mulimu aeza mutu wa liluli la lifasi.” Yani neli mutu ya shutani. “Mi A mu bululela moyo wa bupilo, mi mutu aba moyo opila.”

⁴⁷ Mutu wapili nali mwa sibupeho sa Mulimu, ili ona Moya. Joani 4, ili, “Mulimu ki Moya, mi baba Mu lapela ba swanezi ku Mu lapela ka Moya ni ka Niti.” Kono Mulimu ki Moya. Mi mutu wapili, ya Na bupile, neli mutu wa moyo, ya na li mwa siswaniso ni sibupeho sa Mulimu.

⁴⁸ Mi ki Ha beya mutu yo mwa nama, mi mutu a wa ka sibi. Kacwalo he Mulimu atahafafasi ni kuba sibupeho sa mutu, kuli Akone kuliulula mutu ya wile. Leo kona likande la niti la Evangeli, kuya ka—kuya ka zibo yaka.

⁴⁹ Cwale, Mulimu, mwa myaha ye sikisi sauzande, a cala lipeu zende ze kaufela, kamba Na bulezi Linzwi la Hae. “Ku kaba sina *cwana*. Kota *ye i kabateni*. *Ye i kaba teñi*.” Lika kaufela ne li petehile. Ne li fela zende. Mi A laela ifi ni ifi ya lipeu zani kuli libeteñi, nelikona ku fetuha kuba simela sa mufuta wa bupilo bo Linzwi la Mulimu ne libulezi kuli libe cwalo. Haiba neli kota ya oke, ne i lukela kutahisa oke. Haiba neli ya nzalu, ne i lukela kutisa mufuta wa nzalu.

⁵⁰ Kakuli, Mubupi yomutuna na tomile fela Linzwi la Hae, mi peu ya Linzwi neiliteni mwani peu i si ka bupiwa kale mwateni. Mi Linzwi la bupa peu. Mwabona, “Na bupile lifasi kwa lika ze sa bonahali.” Mwabona, Na—Na ezize lifasi la Linzwi la Hae. Mulimu na bulezi lika kaufela mi za ba teni.

⁵¹ Mi ka kuba Mulimu, yena Mubupi, ni kubulela lika kuli libeteñi, ne li lukela kuba lifasi le lipetehile. Neli sibaka se—se sinde. Neli pa—pa paradaisi ya mbuwa fa lifasi faa.

⁵² Cwale, sina, sibaka ni sibaka sina ni kuba ni makalelo a nkambe ya sona kokuñwi. Mukopano wo una ni nkambe kokuñwi, mi lisebelezo ze lina ni nkambe yazona, ni keleke ina ni nkambe yayona. Mi Mulimu una ni nkambe. Mi kacwalo sibaka tuna se, nahá ye mo lu pila, ina ni kuba ni nkambe. Mi kacwalo Edeni yetuna neina ni nkambe ya yona, mi nkambe ya yona neili kwa Edeni, kamba mwa Edeni, upa wa simu.

⁵³ Mi Mulimu abeya kuyona ye, kuli ibuse pupo ya Hae kaufela fa fa lifasi, mwana Hae ni munyaliwa wa mwana Hae, Adama ni Eva.

⁵⁴ Mulimu neli Ndatahe Adama. “Adama neli wa . . . mwana a Mulimu,” kuya ka Mañolo. Na li mwana a Mulimu.

⁵⁵ Mi Mulimu amu ezeza mjutu, ya zwa mwa mubili wa hae tota; mwendi neli likupo la fa kaufi ni pilu ya hae, kuli musali abange bukaufi ni muuna, mi a mu ezeza mutusi. Na si musala hae pili ka nako yani, ni yena muuna ne si mutu fela fela; Na li bulezi feela. Mi fani kona fo ne kubezi butata, Satani a mu fumana Adama asika mu ziba kale. Kacwalo, neli fela Linzwi la Hae la Na bulezi kale.

⁵⁶ Ni bulela cwalo, Ha ni lati kuinelela nako kuyona. Kono babañwi ba mina mwakona kulyangana, sihulu batu babañwi babali kafoo—kwande kafoo mwa Mboela, ku bonahala inge kuli se sa lyanganisa nyana, fa Liñusa le Ni amuhezi ku Mulimu kacenu, kwa sicaba, kuli ka za peu ya noha. Mi Ni ka ya kwa hae, haiba Mulena alata, leliñwi la mazazi aa, kwa Jeffersonville. Ni bata liñusa la lihola ze silezi, ni ku li otolola hande, mwabona, kacwalo li ka beiwa fela mwa mufuta wa kuli muzibe ze luambola fateni. Mi zeo kikuli SA BULELA MULENA KISONA. Ki nto ya niti fela sina ha Ne li bonezi Kezeli Florence asika funduka kale, myaha nyana yefitile. Mwabona, Ki yona Niti. Mi cwale, luna . . . mwendi ha li si ka utwisiseha.

⁵⁷ Haiba mutu utaha ku na, nto yeñwi ye shutana, Nina mwendi ni kona kupalelwa ku utwisisa, na kasibili. Ha nilati ku lwanisa za bulela mutu. Ha lu lwanisani mañi ni mañi. Ha nina mulatu wa kueza cwalo; Ni lumba Mulena. Ni lwanisize sibi ni ku sa lumela; kono isiñi kulwanisa mutu, mwabona, Ha—Ha ni koni kueza cwalo. Luna—luna lu mizwale ni likezeli, lwa ikataza, lutaha fa na tile Kezeli Florence maabani, kakusasana, mwabona. Yena . . . Luna—luna kaufela luswanela kutaha ka nzila yeo. Mi ha ki mulelo waka waku—waku lika kulwanisa muzwale kamba kezeli ya si ke ku lumelelana ni wena. Batili, zeo libe kwahule ni na za kueza cwalo! Ha ni sepi kuli mwakona kufumana tepu ye Ni kile na punda libizo la mutu. Haiba, Ni ikutwa kuli linako zeñata mutu yani na fosize, kono zeo li mwahala hae ni Mulimu. Kono se si fosahalile, mwa nzila ya sibi ni . . . Ni ku sa utwana linako zeñwi mane ha ki sibi, ki ku sa utwana fela kwa sicaba. Mi Ni—Ni nahana kuli alimuñwi wa luna una ni swanelo ya kubulela ka mwa nahanelia.

⁵⁸ Cwale yena Mubupi yomutuna yoo abeya mwana Hae ya na bupile. Cwale, Adama nali yena mwana wapili ya Na bupile. Jesu neli yena Mwana Hae wa libanda, mwabona, Na *pepilwe* ki musali. Kono Adama na zwelela fela mwa lizoho la Mulimu, mwa pupo.

⁵⁹ Cwale nkambe, ni mwana Hae—Hae ni mufumahali wa mwana Hae fahalimwa lika kamukana, za bonahala fela kupetahala hande. Nekuna ni—ni mutu, tho ya zona kaufela, mwana Hae Tota ni musala munyaliwa wa hae.

⁶⁰ Mi peu kaufela ne i petahalile, linzalu, ni li oke, ni bucwani, ni linyunywani, ni lifolofolo. Mi lika kaufela ne li iketile handende ka Taelo ya Mulimu, “Ha ki kucinca sibupeho sa mina. Kono ki kutahisa za mufuta wateni, peu kaufela! Wena oke, usike wa fetuha kuba kota ya popo.” Mwabona? “Nzalu, usike wa fetuha kuba nto isili sili. Kono peu ifi kaufela ibe ka mufuta wa yona!” Mi Na li—Na li tokomela mwa linako kaufela.

⁶¹ Mi ki Ha bulela Linzwi. Mi Mata a Hae amatuna a kubupa kona ana ezize lika zetahile zee, hamoho cwalo ni muuna ni musali. Mi nebali litoho kakuli nebali mwa...ne ba shutana kwa libupiwa zeñwi kaufela. Mi A ba beya mwa pabalelo ya nto yeswana ya Na beile likota, lifolofolo, ni zeñwi cwalo: Linzwi la Hae. Ne ba sa lukeli, neba hanyinyani, kubondolola Linzwi lani. Ba swanezi kuinelela ona Cwalo. “Musike ku zwisa sika ku Lona, kamba ku ekeza sika Kwateni! Mu swanelia kupila ka Linzwi lee.”

⁶² Mi haibile fela pupo yani neika pila ona cwalo, Kezeli Shakarian kambe ha si ka timela kakusasana cwana, haibile fela ne li ka ina ona cwalo, lifa la Mulimu lelituna! Kona ze lu lumela kuli kona ko lu kutela. Lu kutela kwa siemba sani, sibala sani.

⁶³ Koo kakusasana wa busebene, fani Mulimu ha talima fateni, mi ki Hali, “Ki hande. Na—Na tabiswa ki zona. Eehe, Ni—Ni—Ni tabile Ni ezize cwalo. Mi kaufela cwale li mwatasi a zamaiso. Mi Ni beile sepo ku mwana Ke ni ku musala hae, kuli—kuli ba ka (eziva litoho za libupiwa kaufela), kuli ba li tokomele ni ku li babaleda libe ze iketile, kuli lika kaufela litahise za mufuta wa zona. Cwale una ni mata a kueza cwalo.” Mulimu cwale ali, “Kihande, haiba kaufela li iketile hande, mi halikoni kuba sika sisili fela, kakuli kona tato ya Ka Tota. Mi kona mo Ni batela. Mi Ni bulezi ka nzila yeo, mi Manzwi a Ka a li tisize hande mo ne Ni batela. Mi ki zani fani. Kaufela ki zende!” Kacwalo Bibele iize, “Mulimu apumula ka lizazi la busebene, kwa misebezi ya Hae kaufela.”

⁶⁴ Mi lika kaufela limwatasa zamaiso, yakuli litahise za mufuta wa zona. Cwale muhupule, “ku tahisa.” Mi ha Na cezi peu mwa mubu, peu ikona fela kutahisa za mata ali mwahala yona, kuli a i fetule kuzwa kwa kuba peu ibe simela, kamba kaufela sene ili sona. Mata a hae a ku fetula! Cwale, Mulimu abeya peu mwateni, ni mata aswanela kuli ibe sina mwa Na bulelezi kuli ibe cwalo. Mi haibile fela i mwa sibaka sa yona, ikona kuba fela sina Mulimu mwa na bulelezi kuli ibe cwalo. Neina ni kuba ona cwalo, kakuli Na i ezize ona cwalo, mi alukissa nzila yateni. Kuli, kaufela se si pila mwa nzila ya Hae, mwa mukwa o swanela

Linzwi la Hae, ina ni kutisa zeswana ni Linzwi la Hae mo li bulelezi kuli ibe. Ha ikoni kuzwa foo. I zamaisizwe handende ka swanwelo. Kacwalo, ni lika kaufela zeli mwa sepo ya mwana Hae Tota, kuli ibe ona cwalo, mi Mulimu ali, "Kaufela ki zende kona kuli Ni ka pumula fela. Mi ifi ni ifi ya lipeu zani ina ni mata kuyona,aku kona ku ifetula mwa simela se Ni lakaza kuba cwalo. Kona mo ku lukela kubela cwalo, kakuli Ni file peu kaufela mata aku fetula,aku i pupa ili yona, mwa mata a yona cwale aku kona ku ikeza handende mo Ni batela kuli ibele."

⁶⁵ Mulimu ha si ka cinca fateni. Ka kuswana fela kacenu sina mwa Na inezi nako yani! Mulimu u tamehile kueza sika. U ka si eza. Hakuna se si ka Mu paleliswa. U ka si eza!

⁶⁶ Cwale kasamulaho limano ba mwa mulao hande ni swanelo, Mulimu abona hande cwale kuli zeo likaba hande, mi cwale, ha Na ezize cwalo, hamulaho kwataha sila. Ni ka ba ni... Mulimu ufile mata a ku fetula. Mi Ni ka biza mulikani yoo, ni mata asakoni ku—ku kubupa hape, kono Ni...Nana ni mata a kusinya, isiñi a ku fetula; kono a kusinya. Cwale, kaufela se si sinyeha si shimbuluzwi mwa buino bwa sona bwa pili, kuna ni sesiñwi se si fosahalile ni sona.

⁶⁷ Myaha yeñwi ya kwa mulaho, hane ni potoloha, ne ni zamaya mwa simu ya mbonyi, Ni kona kunahana zateni, nekuna ni mutai o no kayukile kwa kota, mi no wezi fa litaka la mbonyi. Mi litaka ne li lika katata kuyema nonga hande mo ne li lukela kubela, kono ne li sinyizwe kakuli sesiñwi ne si ezahalile. Mi kota ne i lobezi fahalimu a yona.

⁶⁸ Mi lu fumana sicwani sa mambongo mwa simu. Seo, buñata bwa mina baana mo, mane mwendi ni babañwi ba mina basali...haiba muzwelela kwa Kentucky. Basali ba itusisanga mihuma kwani inge muuna, ba ya mwa simu inge—balwezi muhuma, o lu biza kuli muhuma wa mufinyani o namile, ni kulemaka lu—lu lungwatanga lwani. Kakuli, ha mu sa sheuli mambongo ani, mo ku melile milaini ya mbonyi, sina *cwana*, kipeto mambongo ani akona ku yanduluka, ku kwahela mbonyi yani kaufela, ni kutateza cwalo hanyinyani hanyinyani, ka bunolo luli, hanyinyani hanyinyani, kuli mane hamukoni kuziba kuli isweli yatazeza. Mi mafelelezo iba ye tilee ni kutiya, mi ika nyendaela mbonyi yani kufitela isikama. Ihulela ka kuitateza kuyona, yatazeza kwateni ona cwalo kwa kota; ya i shendamisa kuzwa mo iinezi, kuba nto isili fela. Ibo ki mbonyi, kono ki mbonyi ye sikami.

⁶⁹ Mi kaufela lu sa limwa siswaniso sa Mulimu. Kono babañwi ki lihole, sina bana ba Mulimu, muzamao o shutana kwa Linzwi la Hae ni ka nzila yakuli—yakuli Na lu lukiselize kuzamaya kuyona. Kutoma sesiñwi, lifasi kona le li luzwisa mwa nzila, li luohohela bukaufi kulona, mi kuzwa foo hande, mufuta wa Na lu cezi ka ona, kuli lube bana ba bashimani ni basizana ba Mulimu.

Sibi si ezize bumaswe boo kwa bana babashimani ni basizana ba Mulimu.

⁷⁰ Sisinyi! Ni ziba kuli se si bonahala bunca ku sibulela ka nzila yee, “ku—ku sinya,” kono kona mwa ba inezi; na holofezi, kamba kulyanganisa. *Kulyanganisa* katalusa “ku cinciwa, ku eziwa ka kushutana.” Mi *kusinya* ki nto yeswana fela, ye tisizwe sika si lekilwe ni kusinya, ni “kueziwa ka nzila isili.” Mu sa li mwa peu yeswana, kono i sinyehile.

⁷¹ Cwale lu fumana kuli musinyi yoo una ni nako yeswana ni yena, ya kusinya, sina Mulimu ha na ni nako ya kubupa. Cwale na cezi peu ya hae, kamba na si ka cala peu ya hae, na . . . mwa simu ya Edeni. Kuzwa ka nako yani, u bile ni myaha ye sikisi sauzande inza sinya Peu ya Mulimu, ki Linzwi la Mulimu; ku to I lyanganisa, ku I eza kuba buino busili; kanti ki . . . nako yapili Eva ha to mu teezeza, ni ku amuhela ngambolo nyana fela.

⁷² Muhupule, pili Satani na bulezi Liñolo handende fela mo ne lilukela fela kubela, “Mulimu u bulezi kuli, ‘Hamuna kuca kwa kota kaufela ya mwa simu ya Edeni?’” Mwabona? “Hamuna kuca kwa kota kaufela?”

⁷³ Mi muhupule cwale, Eva naize, “Ee, lwakona kuca kwa kota kaufela; kono kota yeli fahala simu, ha lu swaneli neba ku iswala.” Cwale amu mutualime, mwa liñusa la hae, a bondolola Linzwi lani hanyinyani feela. Ka kubulela kuli . . . Eva ali, “Kakuli Mulimu u i ze, kuli, haiba lueza cwalo, lona lizazi leo lwa ‘shwa.’”

⁷⁴ Ki hali, “Oh, kaniti hamuna kushwa.” Mwabona, nali mu—mu mutu, na ize, “Mu—mu—mu eze se cwale. Mi, wena—wena una—wena mu sicaba se si siyalezi bat. Wena, luli, ha u zibi lika kaufela. Kono kambe fela ne mu ka ca kwateni, nemukaba ni butali, ne mukana ni zibo. Mu ka ziba bunde kwa bumaswe ni kuba inge balimu, mina, kambe ne mukaicela fela kwa butali boo Ni nani boo. Na ziba, kono mina ha mu zibi.”

⁷⁵ Mane, ki hande kuba ni butali. Kono haiba butali bwa shutana, haiba butali ha ki butali bo buswanelo kuzwelela ku Mulimu, butali bwa Mulimu, mi bu ba butali bwa nama; Hanina taba kamba sayansi yelunani ikuma hai, ni zeñwi cwalo, kamba tuto, ki diabulosi. Ni ka mi bonisa zona, haiba Mulena alata, mwa mizuzu yelikani. Ki za diabulosi.

⁷⁶ Zwelopili ki ya diabulosi. Kona ni sa feza fela ku kutaza ka zona. Sizo kaufela sa mwa lifasi, mata kaufela a sayansi, ni lika kaufela, ki za diabulosi. Ki evangeli ya hae ya na kutaza, ya zibo, mwa simu ya Edeni. Mi ungle ona zibo yani, zibo ye lyanganis, kushutana ni Linzwi ni tato ni mulelo wa Mulimu. Mi cwale sa bile ni myaha ye sikisi sauzande ya kueza ona inge za na ezize Mulimu, fela ki ka nzila ye kopami, mi anga nako yeswana ya kutisa Edeni ya hae mwateni. Cwale una ni Edeni fa lifasi faa, mi itezi fela butali ni zibo. Yani neli yona evangeli ya hae kwa

simuluho, zibo, butali, sayansi. Mulimu na si ka li tokomela zeo. Mi Ni—Ni bata kuli mulemuhe fa muzuzu fela. Na ezize cwalo, mi kakuli nali mutu wa butali bwa lifasi.

⁷⁷ Cwale, kutata kubulela se. Ku—ku tata luli, kakuli kubulela kwa batu baba utwa mo Ni utwela, ni mo Ni bezi ka myaha yemiñata. Kono kuzwa ha ku kwaluha Maswayo Asupa ani, a Mangeloi ani kwa mulaho fela wa lilundu kwani, Ye ifetuhile Buka yenca. Ki lika zebile li patilwe, kona ze patuluzwi sina Mulimu mwa na sepielize mwa Sibulo 10, U ka eza ona cwalo. Mi luna lu sicaba se si litohonolo seo Mulimu aketile, sa lifasi, kuli lokene kubona ni ku utwisia litaba zee; zeo mane ha ki matangu, ngana ya nama fela ya butu yalika ku i kupulela zona. Ki Linzwi la Mulimu le li pakilwe, kubonahala, yeo Ki niti. Kubonahala, isiñi ka sayans; kono ka Mulimu, kuli Ki niti. Mulimu, sina ha Ni bulezi kale mwa liñusa, Mulimu hatokwi kuli mutu a mu tolokela Linzwi la Hae. Yena ki Mutoloki ili Yena Tota. Ha bulela sika si na ni kuezahala. Foo kikuli, Yena—Yena ha lipaka, kona kutoloka ona koo.

⁷⁸ Myaha nyana yelikani kwa mulaho, luna sicaba sa pentekota, hane kuna—kuna ni likeleke zeñwi za to lu bulela kuli lwa “lyangana,” ne “lusa koni, Moya o Kenile neli nto ya kale.” Kono lwa fumana cwana kuli sepiyo ya Mulimu neifilwe ku ya lata kaufela, mi cwale lwa ziba shutano. Mwabona, mi zeo fela ki hanyinyani hanyinyani, taba ye ya kwaluha.

⁷⁹ Mi cwale U sepisize kuli likunutu ze ne patilwe mwahali mwani, masika a likeleke ani kaufela, lika patululwa kwa mafelelezo a nako. Mi Wa lu lumeleza ku li ziba cwale. Lu kwa nako ya maungulo. Ki luna ba cwale.

⁸⁰ Cwale, Satani ki yena mukalisi wa zwelopili. Ki yena mukalisi wa sayansi. Ki yena mukalisi wa tuto.

Mu li, “Kana ki niti yeo?”

⁸¹ Ku lukile, ha lu baleñi mwa Linzwi la Mulimu cwale, Genese 4, mi lu kuteleñi kwa mulaho fa muzuzu fela shangwe. Ni ziba kuli Na kona ku... haiba Ni kanga nako yeteletele hahulu, Muzwale Carl u ka ni bulela. [Yomuñwi uli, “Ku lukile.”—Mu.] Kono, Genese, kauhanyo ya 4, ni timana ya 16, izwelapili ku bulela fa, kwa simuluho, sa na ezize Mulimu, kuli abeye sikuto fahalimwa muuna ni musali, ni zene ba lukela kueza kaufela; mi isi *sikuto* kubona, kono ku ba bulela se ne si ka ezahala, ni ku kuta mubu kabakala Adama. Mi lu fumana cwana fa cwale, kuli Eva aba ni mambile. Mi alimuñwi wa bona neli wa Satani, mi yomuñwi wa bona neli wa Mulimu.

Cwale mu li, “Uh-oh! Batili. Cwale, Muzwale Branham!”

⁸² Fa muzuzu fela. Mu ni fumanele Liñolo, kai ni kai, le li bulela kuli Kaine neli mwana Adama. Ni ka mi zibisa Liñolo fo Ibulela kuli, “Kaine neli wa ya maswe yani,” isiñi Adama.

⁸³ Cwale mulemuhe ha to itwala faa. Lu kalele ka kauhanyo ya 4, pili.

Mi Adama a ziba . . . musala hae; mi a itwala, mane apepa Kaine, mi ki hali, Ni ipepezi . . . ki hali cwale, Ni ipepezi mwana yazwa ku MULENA.

⁸⁴ Kakuli, nekuna ni kuba ona cwalo. Hakuna taba kamba neli lihule kamba sika kaufela, nelina ni kuzwa ku Mulimu, mwabona, kakuli peu ya Hae, ki mulao wa peu ya Hae, ina ni kutahisa haiba ki peu yebolile, peu ye lyangani, kamba kaufela se ili sona. I na ni kutisa zecwalo, kupale kumane. Kona taelo ya Hae.

Mi hape apepa munyana hae Abele.

⁸⁵ Nekusina ku mu ziba. Adama a ziba musala hae, mi apepa Kaine mi ni kupepa Abele, mambile. Satani nainzi ni yena kakusasana wani, Adama musihali wani.

⁸⁶ Mwabona kañi tuna yeli mwa mutende mo, Na lumela, mwa Tucson cwale, ya musali yani ya pepile mwana yomunsu ni mwana wa mukua, ka nako yeswana. Na pilile ni muuna hae kakusasana wani, ni muuna yomuñwi musihali wani. Mi muuna yani ababalela fela . . . kwateni mwana wa mukuwa ni kubulela kuli uka babalela fela mwana hae, kono haili muuna yomunsu uka babalela mwana hae. Mwabona? Na ziba cwalo, ka kuzwalisa linja ni zeñwi cwalo, luli zakona kubeleka, haiba ki mwa lihola zelikani fela. Se si ka bonisa cwalo.

⁸⁷ Cwale kubonisa ko ku zwelela zwelopili yeo, cwale ha lu baleñi mwa Genese mwani, mwa kauhanyo ya 4 ya Genese hape, ni kubona kwatene. Timana ya 16.

Cwale Kaine a zwa fapila Mulimu, ki ha yo yaha mwa naha ya Node, kwa neku la upa wa Edeni.

Kaine a ziba musala hae; mi aitwala, apepa Enoke: mi a yaha munzi, mi abeya libizo munzi wo, libizo . . . la mwana hae, Enoke.

⁸⁸ Zwelopili ne ikalile. Dokota Scofield, mo mwa Bibele yaka ya Scofield, ibulela kuli, "Zwelopili yapili." Mulemuhe, mi apepa bana babashimani, mi ba panya liliziso ni lipina. Yatatama apepa bashimani, mi akala kueza lika zeñwi, limakazo, ayaha minzi, mi—mi ni kupanga lilimba za lisipi, ni lika zeshutana cwalo. Mwabona, kona za na ezize, yaba zwelopili, yeneli ya bo Kaine. U ezize nto yeswana mwahala masika.

⁸⁹ Cwale halu fiteleñi fa timana ya 25, ni kutalima yetatama kuli neli nto mañi.

Mi Adama aziba musala hae hape, cwale, mi apepa mwana mushimani, mi a mubeya libizo la Seta: Libaka ki kuli Mulimu, u ni file mwana yomuñwi mwa sibaka sa Abele ya bulailwe ki Kaine.

Mi Seta . . . Mi Seta ni yena, apepa mwana mushimani; mi amubeya libizo la Enoshi: ki ku yena fo bakalezi batu ku lapela libizo la MULENA (kuzwa kwa neku la Seta, isiñi kwa neku la Kaine).

⁹⁰ Mwabona, bona butali bobutuna bo lu kumalela kubona bwani! Ili yona swalisani ya kacenu, mulimu wabona ki ufi? Ki za butali, sayansi. Ki sikamañi se lueza, nihakuli cwalo? Lu pila kai? Mutokomele manzwi ao kacenu.

⁹¹ Cwale una ni mufuta wa hae wa Edeni, Satani ueza cwalo cwale. Mwa lilimo ze likiti ze siezi zee, u pangile (isiñi kubupa), kono, u sinyize lifasi la Mulimu kaufela, Libupiwa za hae, lifolofolo, kupepana pepana, kuzwakanisa lipeu; likota, limela, batu; neba bulapeli, Bibele, keleke; kufitela aikungela simu yekwanile hande ya Edeni, ya sayansi, lika kaufela lizamaya ka sayansi. Limota zaluna, kamukana ze lunani, ne li filwe kuluna ka sayansi, sa ezize mutu. Mi unani Edeni ya hae faa; kubonisa kuli Liñusa li zamaelela ka nako, kubonisa kuli ha ki lusika lusili fela kono ki Sinulo 10! Mutualime lizwakanisa la kacenu, kuli kupangiwe zende, kamba zebuheha, isiñi zende. Mutualime bana babanyinyani kacenu.

⁹² Ne ni isize mwana ke wa musizana kwa kutatubiwa meno maabani, mi na bulela kuli meno a hae asweli kushekesha. Muzwale koo kwa Tucson, Muzwale Norman, nana ni mwana hae wa musizana, mi meno a hae nasweli ku shokauha. Mi mualafiwa meno abulela kuli cwanoñu, wa lumela, kuli mwendi mwa linako zetaha, kuli batu ha ba ka pepwa, meno akana ahula ona cwalo. Ki lico ze lu ca, lico za mazwake.

⁹³ Kikuli mubalile *Reader's Digest*, ya kweli yefelile, ka za Billy Grahama, mubuleli ya ishuwile? Kana musweli mwa muteseleza? Ni sweli ku mu lapelela cwale kufita sapili. Ha na sweli kuambola ni bani ba makola akuputa, ni babañwi cwalo, busihu bobuñwi, ku li beya fa baituti ba bulapeli bani. Kuna ni se si ezahalile ku yena. Leliñwi la mazazi aa, Ni sepa u ka bona sibaka sa hae fa inezi, mulemuhe, cwale usweli kubiza kuzwa mwa Sodoma, munzi o silafezi wani. Mi cwale mulemuhe mo mwa *Reader's Digest*, Billy na bile ya fokola hahulu kuli mane na palelwa kuba ni mikopano ya hae. Mi ba mu bulela kuli amate, a i kotolole kwateni, ni zeñwi cwalo. Konakuli u matanga maili ka zazi, Ni lumela ki cona, kamba nto ye cwalo, kuli atiise mubili.

⁹⁴ Mutu u bolile. Lusika lwa batu kaufela lu bolile. Kaufela liswana fela sina mo ne liinezi mwa nako ya muunda. Kamukana ke li filikana luli, li futukile, za shutana luli ni Mulimu mwa na li calezi. Sibi, ka sayansi ni bupumi, si futuzi lubasi kamukana lwa batu.

⁹⁵ Kikuli ne mu balile hape mwatasi a mubamba wani, fo ne kuñozwi kuli, "Mwa mazazi aa, kuti bashimani ni basizana

babainzi mwa lilimo za bunca, kuya ka muinelo wa mubili, mwahala myaha ye mashumi amabeli ni mashumi amabeli ka ye ketalizoho ya kupepwa”? Munahane fateni.

⁹⁶ Mwa temuho busihu bobuñwi, Ne ni nanuzi musizana wa myaha ye twenti-tuu yakupepwa, yana yemi lupepo, na mu biza mwahala sicaba. Mi kona za na mu bulelezi dokota wa hae.

⁹⁷ Mwabona, lusika lo lu bolile, lo luwile, lo lu libile fela kwa lihele. Ni ziba kuli seo ha si utwahali likute, kono ki sa Bibele, mwabona, yeo ki niti; mi cwale lusika lo lupila kulona loo, yona nako ya lusika lwa sicaba se.

⁹⁸ Cwale amulemuhe kacenu, kuzwakanisa likomu, kuzwakanisa limela; mi sayansi yataha hape, yona sayansi yeswana ye eza lika, ili, “Zeo kona ze sinya lusika lwa batu kamukana.” Mu ipalezi zona sina Na mo ne ni balezi. Kihande, kiñi ha ba sa lituhelisi? Kakuli ha ba koni ku li tuhelisa. Linzwi la Mulimu libulezi kuli ku kaba ona cwaloo. Kono kambe ne ba ka nahana fa muzuzu, ki bona libelekiso zateni, sina Judasi Isikariota, kutomahanya handende lika za na bulezi Mulimu kuli li ka ezahala. Lisweli kuezahala ka kulatelela fela mayemo a sayansi.

⁹⁹ Ka lipatisiso sa hae za sayansi, mwa mufuta o swana wa na pumile Eva ka ona, kona mwa pumezi ni keleke, koo Eva yani nali mufuta feela. Cwale, cwale Adama mufuta kwani hape, kamba Eva, nitaluse, wa keleke, mulemuhe se ne siezahalile. Ka kuyambaela kwa zibo, masuba aeza mululwani oli mwahala bunde ni bumaswe, ka kuteeleza kwa kulyanga kwa Satani, kamba kusitanisa, kwa Linzwi la Mulimu la makalelo.

¹⁰⁰ Mi cwale likeleke kacenu se lifetuhile liyanga. Cwale ha Ni buleli batu, babali mwateni. Ni bulela keleke ya lifasi loote. Ye i sikamezi neku lee, mi yani isikamezi neku leliñwi, mi, ka sayansi. Mukwa omuñwi wa na ezize. U zamaile ni kubemba kwa hae, ki Satani yoo, mwa Isaya 14:12.

¹⁰¹ Ha lu ibalenii fela yeo fa muzuzu. Mwa Buka ya Isaya, ha lu kaleleñi ni kauhanyo ya 14, fa timana ya 12.

Kana uwile cwani kwa lihalimu, Wena Lusifa, mwana malungasiku! u lapalalizwe cwanifafasi, wena ya na hatikela macaba!

Ki yoo foo Isaya wa mubonela mwa pono, mwabona, mwa lusika lo ne lutaha.

Kakuli u bulezi mwa pili ya hao, Ni ka kambamela kwa lihalimu, Ni beye lubona lwaka fahalimwa linaleli za Mulimu: Ni ine hape fa lilundu la mukopano, . . . kwa mafelelezo a mutulo:

¹⁰² Mulelo wa Satani, kuzwa kwa Edeni, nana ni ku ikeza kuba sina Edeni; mi a i pahamisa fahalimu, kuli linaleli kaufela za Mulimu li mu kubamele, bana ne ba ka mulapela. Mi yena

kaniti u li ezize cwale, mi ha sa felize kueza se ni ku litisa mwa keleke. Mane, Hanikoni kuya mwa butungi. Ufi wa mina kaufela yanza teezea matepu ao ka zona wa ziba. Yeo—yeo kona hola luli mo lupila, mi ki Satani ya li ezize ka tukiso ya tuto, bunde cwana, bunde *se*, bunde *sani*. Mi kusina kuziba, ka nako kaufela, basweli ku kenelela fela mwa lifu. Ba foufalizwe, ba etelela libofu, baeteleli ba libofu ba linaha, baeteleli ba libofu za sayansi, baeteleli ba libofu za keleke, sibofu si etelela sibofu sesiñwi. Jesu naize, “Mu ba tuhele fela, bubeli bwa bona ba ka wela mwa musima.”

¹⁰³ Fa mulemuhe mufuta wa ma Edeni amabeli ainzi hahulu fakaifi hamoho, kuli mane aka puma nibona Baketwa. Mateu 24:24 ibulela kuli kona mo ku ka bela. Kono Ni bata kuli luyeme pili fa nako nyana ni kunahanisisa ma Edeni amabeli ao, mi sihulu nto iliñwi, ka mo Bibebe i lu bulelela kuli Linzwi la Mulimu kona le ne li bupile Edeni yani, ni ka mo Linzwi la Mulimu li lu lemuseza kuli Edeni yeñwi i ka taha.

¹⁰⁴ Cwale, hape luziba kuli ku swanelu kuba Eden yeñwi, haiba lukona feela kuteelza ku mupolofita, Paulusi, mwa Matesalonika Babubeli kauhanyo ya 2. Nakona ku I bala haiba mwa lata.

Ya i pahamisa; ka *zazi leo hana kutaha*, kuzwa ku Mulena, konji ha se *ku bonahalile muuna yani wa sibi*, . . .

. . . yena yainzi mwa tempele ya Mulimu, ya *ipahamisa fahalimwa se si bizwa kuli Mulimu*, ili kuli ni yena sina Mulimu a lapelwe sina Mulimu.

¹⁰⁵ Munahane ka taba yeo! Cwale Isaya 14, mupolofita ubulela kuli naboni “Lusifa, mwa pilu ya hae,” ka pono mwatasa susumezo ya Mulimu, “inza bulela kuli uka eza cwalo.” Mwa Isaya, myaha ye mianda ye eiti Paulusi asika taha kale, kamba kuakaleza bukaufi cwalo.

¹⁰⁶ Cwale fa, myaha ye mianda ye eiti kasamulaho, Paulusi wa mubona, ha taha mwa sibaka sa hae. Mulemuhe, itaha ilibile cwalo, Edeni ya hae yee; Edeni ya hae ya busayansi, ni lifasi la hae la busayansi, ni keleke ya munyaliwa ya busayansi, kaufela zona mwatasa—mwatasa linzwi la kuli “zibo,” mikopano yemituna ya bukutazi, madigiri amatuna, litukiso za lituto.

¹⁰⁷ Teeleza, muzwale, kezeli, mañi ni mañi wa luna uka zamaya nzila ya zamaile Florence yani. Na ku kupa, ka Libizo la Jesu, kuli utokomele Taba yee. Isiñi kutokomela na. Na ni muzwale wa hao. Zeo—zeo ha ki zona. Tokomela Linzwi le Ni bulela, la Bibebe ya Mulimu. Mi utalimisise hande mwa Linzwi la Mulimu Tota le li pakilwe, mwa lusika mo lupila, mona mo lufumaneha.

¹⁰⁸ Litukiso ze luli ki za antikreste, mwahala zona. Cwale, uswanela kuba ni Edeni, na bulezi kuli ukaba eza cwalo. Ki le fa Linzwi la Mulimu lelibunolo le li bulela kuli ukaba cwalo, mi fa latalima hande ni kubona kuli u li ezize. U li ezize ka busayansi,

bwa hae bwa minahano, ki munyaliwa wa za lituto. U ka teeleza, leliñwi la mazazi aa, mwa Katengo ka Likeleke za Lifasi ko ba ka toma. Kaufela li kaba ni yena.

¹⁰⁹ Kulika batu isi kuli ki sicaba se su maswe; ne ba calilwe mwa mundandwe onamile cwalo, sina mbonyi, kono Satani a cala lungwatanga, lo lubizwa sayansi, lipatisiso, tuto, ma digiri a bu dokota. Fokuñwi ha ba na ku kulumeleza konji kuli ubonise digiri ya bu dokota yezwa kwa sikolo sesiñwi sa bukutazi kokuñwi. Kacwalo kaufela lifosahalile! ha ki batu; ki litukiso kona ze fosahalile. Mi cwale si eelize sikamañi? Kaufela li yo felela fahalimu hape, ni kutisa lifasi kaufela mwatemi (ka sishañata sa lizwakisa, kulyanganisa Peu ya Mulimu ya makalelo) kuisa kwa bumaswe bobuñwi bwa lififi.

¹¹⁰ Kono Ni tabile hahulu kuli Mulimu wa lu tokomela hape, kuli U sa kona kuzamaya fahalimwa buino bwa lika. Na sepisize kuli Uka li eza, ni kubiza mutapi nyana okaba Munyaliwa wa Hae.

¹¹¹ Mulemuhe fa hape cwale, ka swanelo mo li tamahanelia likeleke zee, kwa ma Edeni aa.

¹¹² Mulimu, ka Peu ya Linzwi la Hae! Mi kuna ni fela nto iliñwi yekona kutisa Linzwi kwa bupilo, mi wani ki Moya, kakuli Ki Mufani wa Bupilo kwa Linzwi. Mi cwale Bupilo bone buli mwa Linzwi bu kopana ni Bupilo bwa Moya, I tahisa kaufela seo Peu ili sona.

¹¹³ Cwale mulemuhe se si ezahalile. Mwa simu ya Edeni neku na ni buswa bwa Mulimu bobusina bumaswe, mi yani neli iliñwi ya—ya likalulo za nako. Nako yapili neli yesina mulatu, sicaba ne si sa zibi sibi. Ne ba sa zibi sika kaufela ka sibi. Bubeli bwa Adama ni Eva nebali mapunu, kono ne ba patilwe kwa mapunu a bona, ka lisila la moya lene li apesize kwa lifateho zabona. Ne ba sa zibi kuli nebali mapunu, nibeha hanyinyani, kakuli ne ba patilwe. Kakuli, lisila la Mulimu mwa minahano yabona, ne ba sa zibi sesili bunde ni bumaswe. Mi bani bubeli bwabona ne ba yemi mapunu, kubonisa kuli zibo ne i si ka taha kale kubona, mwabona, kuli nebali mapunu. Bubeli bwabona nebali mapunu kono ne ba sa zibi.

¹¹⁴ Cwale haiba mu apula, haiba mubata kueza cwalo, kamba ku iñola, kwa Sinulo, kauhanyo ya 3. Moya o Kenile ubulezi mwa lizazi la mafelelezo lee, kwa Lusika lwa Keleke yaba Pentekota ya Laodesia mwa mazazi a mafelelezo, Ki hali, “U mapunu wena, u sibofu, mi ha u zibi.”

¹¹⁵ Kuna ni Peu ya Mulimu, yepila mwatasi a kusaziba, kusina kuziba nihanyinyani kuli nebali mapunu, mwatasi a lisila la Moya o Kenile, lene li ba kwahela kwa sibi.

¹¹⁶ Mi cwale mwa lusika lwa keleke, lufumana fa kuli bainzi mapunu hape, mi ha ba zibi. Kono ha ki kapai ka Moya o Kenile. Ki kapai kao Satani na apesize Eva kwa mulaho kwani, kapai

ka katazo, kapai ka takazo. Bana ni masila hahulu kufitela ba palelwa kuziba kuli bainzi mapunu, bahame ba luna fa mikwakwa, ni tuputula batinile, lindelesi ze belela.

¹¹⁷ Yomuñwi na ni lumezi siemba mwa mutende zazi leliñwi, ka za ndelesi yenca ye ba ka tinanga cwale, Ni sepa kuli ki ma inci a foutini kuzwa fa linoka, kamba nto yecwalo. Mi ha Ni zibi haiba—haiba bahame baluna ba ziba kuli kani ki kapai fela ka takazo?

¹¹⁸ Cwale mu—mu kona kubulela kuli, “Na kona kubonisa, fapila Mulimu, kuli Hanina mulatu kwa boozwa bufi kaufela ku bo muuna ka, kamba Na—Na...ze kaufela.”

¹¹⁹ Kono niteñi, kwa Katulo u ka yo bizwa “soozwa.” Ki Bibele yebulezi cwalo. Jesu naize, “Kaufela ya talima musali ka ku mu lakaza, sa mu bukile kale mwa pilu ya hae.”

¹²⁰ “Sibofu, mapunu, mi ha u zibi!” Ha ki basali bani baba shebile kwande kwani; hakuna se Ni ba nyaza ka sona. Ki bumaswe fela bwani! Mi mulao wa keleke ubonahala kupalelwa kulemuha cwalo kamba ku u lwanisa; ha ba kute milli yabona, baipenta kwa lifateho, ni kutina tuputula ni lika zeñwi, mwatasi a libizo la Bukreste. Ha ki nto yeswabisa ni yeo! Mwabona, ba inzi mapunu hape, mwa Edeni ya Satani, mi ha ba zibi. Ha ba li zibi.

¹²¹ Na sepa kuli Na bona, mwendi, inge ni talimela fabuse, bwa lisa leli mwa kutapela, bahame bani kwani cwale. Haiba musali yani na lemuhile fela kuli zasweli kueza, kono fela ha li zibi. U inzi mapunu. Mubili wa hae u butokwa. U itubula liapalo zeo Mulimu na mutinisize, ni litalo, kwa lusika loo. U sweli kuipumaka kamita. U inzi mapunu, mwatasi a linzwi la “zwelopili, tuto yepahami, zwelopili yepahami, buino bwa mayemo a pahami.” Haluboneñi nibe ya ziba hande kuli taba ye inwele mwahali. Kaufela ki za diabulosi, mi lu ka sinyeha kwa Kutaha kwa Mulena Jesu. U ka sinyiwa, kaemba kateni kaufela. Hakuna kuba neba alimuñwi nto ye ka siyala.

¹²² Mi, oh, mulikani, mwa naха kaufela, ha usweli ku ni teelee kwanu kwa Phoenix, u nahane fa lika zeo! Utensi mo unzo ikalabela ku zona. Cwale, Jesu na bulezi kuli, “Ba ka puma ni bona Baketwa haiba kinto ye konahala.”

¹²³ Moya wapili neli wa...lisila lapili neli lisila le li kenile, Moya o Kenile, mi na sa lukeli kutilima ku Zeo. Kono cwale—cwale Satani akalisa kuambola ni yena za zibo, nana ni kunangela fela hanyinyani kwa lifasi.

¹²⁴ Mi ona seo kona luli mwna hae wa musizana, yona keleke, se i ezize. Muna ni kubona, muna ni kutina inge mubapali yomuñwi wa filimu, kamba mitangana baswanezi kueza sina Elvis Presley kamba—kamba Pat Boone, kamba—kamba babañwi ba batu bani, mwatasi a libizo la bulapeli.

¹²⁵ Pat Boone ki wa Church of Christ. Elvis Presley ki wa Pentekota. Batu bababeli babatezi madimona kona baba kenyize lifasi mwa ziyezi yetuna kufita Judasi Isikariota mwa na ezelize nako ya beteka Jesu Kreste. Ha ba zibi. Bashimani bani ha ba zibi cwalo. Hakuna ze ni ba nyaza bona—bona bashimani bani, baana, ki moyo o sweli ku li zamaisa.

¹²⁶ Kuhatela fela kwa neku lani hanyinyani, mutuhele fela kuli mambongo ani atateze kwa sikapi sa mbonyi sani, nako iliñwi, mutualime se sika nga sibaka; mbonyi i ka sinyeha. Oh, eehe, i swasehile. Mi kona mo i ka ezeza. I kaeza cwalo ka nako kaufela. Eva na talimezi fela hañwi kukecula hañwi fa lifasi.

¹²⁷ Mi haluboneñi ni mi bulelele nto yeñwi, muzwale ni kezeli. Mwa Joani Wapili, kauhanyo ya 2 ni timana ya 15, lwakona ku I bala, haiba mulata cwalo, Bibele ibulela kuli:

...Haiba lu lata lifasi, kamba lika ze li mwa lifasi,
libaka kikuli lilato la Mulimu haliyo mane ku luna.

¹²⁸ Cwale, linzwi leo hakuna lifasi mubu; ki linzwi la Sigerike, lakuli kosmos, le li talusa kuli “muezeko wa lifasi.” Haiba lu lata mafasho a lifasi, lona lifasi, haiba lu lata mielemba ya kacenu, haiba lu nahana kuli “ye ki nako yende, oh, luna ni lika ze kaufela,” haiba u nahana cwalo, kikuli minahano ya hao i fosahalile. I lyanganisizwe ki diabulosi. “Kakuli haiba ulata muezezo wa lifasi, ni lika za lifasi la kacenu lee, libaka ki kuli lilato la Mulimu haliyo neba ku wena.” U hupule ona cwalo. O Mulimu! Talima ze lu talima kuzona!

¹²⁹ Fa Ni bata kuyema hanyinyani fa muzuzu ni mi bulelele likande nyana. Ne ni utwile mbubeli wa musole mwa Ndwa Yapili ya Lifasi. Ne ba yumbile . . .

¹³⁰ Sina Satani kwa simuluho, ha na tile mwa simu ya Edeni. Na si ka kata Lipeu zani. Na si ka li sinya. Kono a lifafaleza ka sifanu, mi sa sinya Peu, ne li si ka tisa za mufuta wa zona. Sa sinya Peu ya makalelo.

¹³¹ Mi zeo kona luli litukiso za bulapeli zee kaufela. Ba sa li bana ba bashimani ni basizana ba Mulimu, kono isweli ya sinyeha. Ba yanga kwa keleke, ba tabela kueza zende. Musali ya iketela ku sa nyalwa haezi cwalo ka kubata kuba musali ya maswe. Mukutazi ha yelangi kwa sikolo sani ili kubata fela kuba—kuba—kuba muuna ya maswe. Ha u ikopanyi kwa keleke, ni kuswalana mwa mazoho, kuñolisa libizo la hao mwa buka, kamba kaufela so eza mwa keleke yahenu, kuli ube mutu ya maswe. U eza cwalo kuli ube mutu yomunde. Kono ki bupumi, ki sinyeho kona ye eza zeo. Ki Satani ya na ifafalelize. Mwabona? Mulimu ali kuba abe ni kopano. Hakuna taba yecwalo kai kaufela yekona kufumanwa mwa Manzwi a Mulimu.

¹³² Mulimu ki yena kopano yaluna, lu kopanela ku Yena, ki Mubili, ku Mulimu, mwa Lihalimu. Yeo ki niti. Mabizo a luna añozwi mwa Buka la Ngunnyana ya Bupilo. Mulemuhe.

¹³³ Kono, mwabona, Ni ziba kuli kutata luli, kono Ni—Ni bata kuzwelapili hanyinyani haiba mwa lata. Mwa nako ya ndwa ya lifasi... Mu ni swalele ka kuzwa mwa tuto yaka.

¹³⁴ Kono fa ku utwahalisa taba, Ni—Ni bata ku mifa mubonelo waka ka sa na ezize Satani mwa Edeni: na falalelize sifanu katata. Kikuli mu ka tabela kuziba kufafaleza kwani kuli neli kokucwani? Na kona ku mi bulelela. Nina ni mukwa wa teni, manzwi amabeli: kusalumela, ze shutana ni tumelo, sa hasa kusalumela, kukakanya. Mi sayansi yatala sibaka sayona. Kokuna ni booko, bone bukeni mwa Peu, Satani ataza booko bwani ka zibo ni sayansi ni zwelopili, mi kona ye sinyize kaufela, pupo ya Mulimu kaufela.

¹³⁵ Na ziba munaha kuli Ni mi pahamisa hanyinyani fa mutai, kono Ni inzi fa mutai hamoho ni mina. Mi luteni mo cwale kulika kufumana se lukona kueza. Ha lu lubuleli lika zeo kuli lube baba shutani. Lu swanela kusepahala.

¹³⁶ Luna, mañi ni mañi, lu ka taha kwa mafelelezo a nzila, ko lu kafa buikalabelo kwa linzwi kaufela. Ona fa, lu ziba kuli manzwi aluna... Ha lu pepiwa, kulila kwaluna kwapili kwabeiwa fa tepu. I ka yo liziwa sinca hape ka Lizazi la Katulo. Neba litino zo tinanga li ka yo boniswa kwa sifateho sa hao, ka Lizazila Katulo. Neba sayansi ifumaní cwalo, ka mazimumwangala. Mwabona, mazimumwangala apangi maswaniso, azamisanga fela. Mubala wa libyana, nako kaufela ha ushenya, muhupulo kaufela mwa munahano wa hao, kamukana li beilwe fa lipiho za Mulimu. Mi nto yetuna yani ika beiwa fapila hao, yeñwi ni yeñwi ya lindelesi za linyawe zo no tinanga zani; nako kaufela ha no ya kwa kukuta milili, ku yo kuta milili yana kufile Mulimu yani. Ku kaba cwalo. Mu ka yo ikalabela. Ha ukoni kushenya kulo koo, neba yona minahano ya pilu ya hao haunze usweli kueza cwalo, li ka yo liziwa fapila hao. U ka banduka cwani? "Lu ka banduka cwani haiba lu keshebisa kupiliswa ko kucwana?" Mwabona? Haluna ku banduka. Muzamao kaufela, ni milelo ya pilu, i ñozwi hande mwa sibaka sesiñwi, neba mubala wa litino zotinanga. Mazimumwangala, mazimumwangala a mibala ye bonahala, ya lipaka hande kaswanelo, mwabona, mwani ki mwa kalulo fela iliñwi kuzwa ku zetaalu mo lupila. Mwabona?

¹³⁷ Cwale sifanu mo si natezi keleke, kunata lifasi! sifanu sa Satani fahalimwa Lipeu, sibeile kubola ku yona ni ku i tiseleza kusinyeha. Mwa buñata ni buñata, uya akena ka butungi mwa lipilu za likeleke, mi ni mwa lipilu za sicaba ni lika kaufela, sayansi, sayansi. Ku to fita fa sibaka sakuli lusika lwa batu, ka kuzwakana... Ni lumela kuli peu kaufela iswanela kutahisa za mufuta wa yona. Mi lusika lwa batu, ni lwa limela, ni zeñwi kaufela zesweli kuzwakana, li lu tisize fa sibaka sa kuli; ka kuca lico zaluna zezwa mwa mubu, zeo, mibili yaluna, iezize ka mazwake, libeya mihipulo yaluna kaufela... Cwale, haiba mibili yaluna i fokola, kuzwa ka myaha ye mashumi amabeli

kuisa mashumi amabeli ni yeketalizoho ya kupepwa, bakeñisa maselu a si ka bupiwa hande, ka lico za mazwake, hanili maselu aluna a booko a bupiwa sinca? Ha ki maselu ao, happe? Kona Ricky zasweli ku kibakiba mwa mukwakwa moo, ni sipi ya hae ye cinsa; ka nako yeo Ricketta, Elvitta ba hae, ni babañata ba bona, sina mo lukona ku ba bizeza, bainzi kwande kwanu batu ba mapunu licika mwa mutinelo, ba basitani mwa booko, hakusana maikuto a buiswalo ni butu sakata.

¹³⁸ Kwa likande laka lelinyinyani. Musole yoo nabulela kuli naile kwa sipatela, mi a bulela kuli bashimani babañata bene ba lobezi mwa tende, babañwi... Na sa zo zwa fela fande. A bulela kuli na zwezi fande, mi musole yomuñwi a mu bulelela, kuli, "Mukutazi wa musole, lu bata kupahama, kuli lutalime mwa masimu kwahule kwani." Ba sela mulyani wa gas ya mustard ni chlorine, mo ne ba ezezanga mwa mazazi ani.

¹³⁹ Mi bali, "Ni ile kwani, Muzwale Branham," ali, "nekusina niheba likwati fa kota, nekusina niheba litali la bucwani bobumelile. Neli la Paseka kakusasana." Ki hali, "Nekuna ni mingomo ya kale ye sinyehile kwani, musole yani na i balile, ni kubona haiba nekuna ni sene si ka ezahala kubona, fakaufi ni mushitu obizwa Argonne Forest." Ali, "Ha ne Ni yemi fani na kasibili," ali, "Na talima mwahalimu, ali, 'O Mulimu, cwana kona mo li tahela kaufela.'" Yeo ki niti, kaufela za taha. Kaufela ne li cisizwe, kufeza bupilo kai kaufela, bucwani ne li kusileleza; kota, ka ona ma gas ani, likota za bulaiwa, lika kamukana za bulaiwa, za shendama, za obama fafasi, ko ne ku pazauzi malumo ani.

¹⁴⁰ Haiba seo ha kona siswaniso sa kacenu, koo Satani usweli kuselaka mulyani wa sifanu, kuzwana kwa hae, sayansi ya hae, zibo ya hae! Kufitela, sene sili sona kwa makalelo, nako ya beya Mulimu Adama ni Eva mwa simu, yona paradaisi yende yani kusina lifu, kusina matuku, kusina maswabi, ni lika kaufela ne liiketile hande, amutalime DDT ya Satani ze i ezize! I mwa butata. Hakuna ze siyezi ku lona.

¹⁴¹ Ki hali, "Na kalisa kulila. Na kuta kwa mulaho, Ne ni batisisa hahulu kubona licwe." Ali, "Na ya fela kwani mi na yo talima licwe, na li kasha ku li pikulusa. Kwatsi a licwe nekuna ni palisa yenyinyani yesweu yene mela, nto fela ye siyezi, kakuli i kwahezwi ka licwe."

¹⁴² Mulimu, Licwe laka, lu kwahele kacenu, O Mulimu, lifanu zekola ze halisweli kufufa fufa kai ni kai mwa libizo la sayansi ni tuto. Lu pate. Ni buluke kufitela lizazi leo, O Mulimu, kona tapelo yaka. [Yomuñwi kwapili uli, "Usike wa toma nako, Muzwale Branham."—Mu.] Cwale Ni sepa kuli luna, mañi ni mañi, lu mwatasi a Licwe leo, Kreste.

¹⁴³ Ne ni kutilize feela zazi leliñwi, buñata bwa mina ne mu i utwile. Ne ni sweli kuzamaya mwa mushitu, inge ni zuma, Na

to talima fela kwa mulaho kuitemuna. Mi Na talima, mi nekuna ni ka kwakwati ka kwai, kamba mu kabiza cwani kaufela. Mi ki kampani, ha Ni sepi kuli Ni lukela kuipunda libizo, kono haili kampani ya kwai neina ni . . . bana ni mukanga obaitusisa kuli, “Sefa ya mutu ya nahana, maikuto a mutu ya zuba.”

¹⁴⁴ Na kala kuzamaya kushetumuka cwalo mwa—mwa mushitu, mi Sesiñwi sa ni ebelisa, “Kutela kwa kakwakwati ka kwai kani.”

¹⁴⁵ Na hupula kuli, “Ndate yakwa Lihalimu, Naya kwateni kwa kota yani kone ku bulezwi tumale twani mane twabonahala ka Wena, kakusasana omuñwi. Kiñi so Ka ni bizeza kukutela kwa mulaho?”

¹⁴⁶ Mi Sesiñwi sa li, “Una ni kutazo yetaha la Sunda. Toho ya taba ya hao iñozwi fateni.”

Na hupula kuli, “Fa ka kwakwati ka kwai?” Na kuta mwa mulaho.

¹⁴⁷ Mi Na kala kunahana kuli, “Sefa ya mutu ya nahana,” ha ki buhata kwa butuma! Haiba mutu ki mutu ya nahana, yacwalo hakoni ku zuba niheba hanyinyani. Kono, mwa bona, batu ba imizezanga ona.

¹⁴⁸ Ni lumela kuli neli myaha yemibeli kwa mulaho, hane Ni li ku iliñwi ya mikopano, Na ya kwa mukopano wa lifasi loote ha ne uinezi kwani kwa Likamba la Wiko. Mi nebana ni siswaniso sa Yul Brynner ni babañwi babañata kwani. Mi baituti ba sayansi, buñata bwa bona, nebali mwa tuyaho oswana wani, ka kozi ya kuzuba. Mo ne ba beezi musi wani fa licwe le li belela, mi ba ñiompolo kwateni kaemba nyana inge taku ya Q-kwa munwana ka nikotini ni kuilamba fa mukokoto wa peba, ni kuibeya mwa sikalamunanga, ka mazazi a sebene ne i tezi fela kansa mubili kaufela mane ya palelwa kuzamaya. Mwabona? Ki hali . . . Aihohela mwa mezi.

Ali, “Sefa!”

¹⁴⁹ Ali, “Sefa? Hakuna nto yecwalo.” Ali, “Wena . . .” Cwale, ye ki sayansi kasibili. Se bali, “Haukonni kuba ni musi kusina kuba ni musili. Musili kona o bupa musi.”

¹⁵⁰ Mi taba yateni fela yeliteñi, ki butali bwa kulekisa hahulu kwai yeñata, mi sani . . . Haiba . . . Ni sepa kuli ha mu nahani kuli Ni na ni kashwau kamba ni mufitelezi wa tumelo. Diabolosi yani ki mutu, ya mu ezisa kuzuba, kuli aipulaye. Ha na—na ubata nikotini ya kwai iliñwi, ye ka ekeza takazo ya hae, cwale kampani itaha ni bupumi bo bucwalo, ni kubulela kuli, “Ki sefa ya mutu ya nahana.” Una ni kuzuba mishanga yemine kamba yeketalizoho ya kwai, kuli ube ni musili omuñata luli ku wena (kuli a ikutwe kulikana) inge mo ne u ezelize ku iliñwi. Ma American balekisa lifu kwa mizwale babona ni likezel! Ha ni boni tuso.

¹⁵¹ Kono ibo, mwahali mwani, Na hupula kuli, “Kuna *ni* Sefa ya mutu ya nahana yeswanela.”

¹⁵² Cwale, haiba mutu a zuba, muhupule, si tisa maikuto a mutu ya zuba. Mi, haiba u sa bi ni mu-...kufelisa takazo ya kuzuba kufitelamusi ukene mwatensi, mu ba...ina ni kutisa maikuto, konakuli, ha u zuba mishanga yemine ya kwai, kamba yeketalizoho, ni kulifa hahulu kufita mo kona kulifela, ha mo ka zuba fela mushanga ulimuñwi. Mwabona, ki mlelo wa butali, butali bwa balekisi; ku kwasheka sicaba, ma American. Ha Ni nahana bo Valley Forge, George Washington; ni masole ba hae buñata luli, mi basina makatulo kwa mahutu, ka zazi lani ka silami, kuli ba lu lukiseze lifa le lunani lee! Mi cwale ma American balekisa kwa ma American, muhabo yena muzwale ni kezeli, lifu, ka bupumi bwa butali, ka bakala mali a kupetelela, mibisi wa bumaswe kaufela. Takazo ya masheleñi, lilito. Taba kaufela ke le i fosahala, kusina kuziba kuli taba ye kaufela i ka sinyiwa! Kono haiba u sa ni musi, haukonii kuba ni maikuto.

¹⁵³ Mi Na hupula kuli, “Kuna *ni* Sefa ya mutu ya nahana.” Sefa ya mutu ya nahana! Mi se Ni ba ni tuto yaka kuli “Sefa ya mutu ya nahama itisa maikuto a mutu ya kenile.”

¹⁵⁴ Kacwalo Na hupula kuli likopamo zaluna lina ni zeñata zecwalo, kukenya batu mwatensi ni kuipiza kuli Bakreste yeo kona fela nzila yateni. Kiñi? Ba ata hahulu mwa kopano yabona kamba tutengo. Lu banga ni babañata hahulu mwatensi kakuli lu ba lumelelize kukena ka *se*, *sani*, ni *sesiñwi*, ni sika kaufela. “Seo ha si ezi shutano ni yekana, kikuli ba beye fela libizo la bona mwa buka ni kubulela kuli ki Bakreste. Ku felile. Oh, ‘u piliswa ka tumelo.’ U na ni kulumela.” Diabulosi ueza nto yeswana niyena. Eehe.

¹⁵⁵ U swanezi kupepwa sinca, mi zeo litaha ka Sefa ya Mulimu! Cwale kiyeo Sefa ya mutu ya nahana. Ni Isweli mwa lizoho. Haina kutisa maikuto a kopano, kono Yona ika kulisa maikuto a mutu ya kenile, mwa ziba.

¹⁵⁶ Musali ya kukuzi milili ya hae ukona kutaha cwani ka Sefa yeo? Kana musali ya tinile siputula aka taha cwani ka Yona, kamba malukwe, kanti Bibele ibulela kuli, “Ki maswabiswa ku Mulimu, kuli musali a apale sitino se si swanelia kuba sa muuna”? Mi cwale ku konahala cwani kuli muuna ya ipona kuba sesiñwi, azwele kwande kwantu mi a apale sina basali, atuhele kuli milili ya hae ihule sina musali, mane ifite ni mwatasii a meto a hae, ni makuti, inza tatanisize ona *cwalo*? U tinile kaputula ka musala hae libyanaza kwatasi. Ni yena musali utinile liapalo za muuna za kwande. Sefa ya mutu ya nahana? Muuna ya nahana hakoni kueza cwalo, kamba musali haana kueza cwalo. Linzwi la Mulimu halina ku lumeleza kufita mwatensi.

¹⁵⁷ Hakuna niheba nto iliñwi yekona kufita mwa Linzwi lani. Wani kona Moya o Kenile, mi kona Otisa Linzwi ku wena, mi kona Otisa maikuto a mutu ya nahana.

¹⁵⁸ Mutualime kacenu, licanci la Ricketta fa mukwakwa, lelinde, mubili omunde wa na mufile Mulimu, mi Satani wa itusisa ona. Mi uka apala za butanya luli, a sa zibi kuli sunda iliñwi fela kuzwa kacenu wakona kubola mwa libita.

¹⁵⁹ Ne ni taha kwanu ka mukwakwa wo ha ki kale hahulu. Ne ni sweli ku kutaza mwa mukopano waba Assemblies of God kwani kwa Likamba la Wiko, mwa mukopano kwahule ku kwa sikolo sesibizwa Southwestern Bible School. Kalibe yomunyinyani na taha mwa mukwakwa, yomunyinyani... tuapalo to tunyinyani twani cwalo, tu bikini, kamba mu tubiza cwani kaufela, mi tusila inge tupelela, ali kutina kuwani ya cowboy. Ne ni ya ni kambama cwalo mwa mukwakwa. Na hupula kuli, "Mutu wa manyando, ki mwana me yomuñwi ni ndate, yana beilwe fa kuli mwana Mulimu, mi ufetuhile siteiso sa diabulosi." Na hupula kuli, "Ni sepa kuli Ni fetuhe fela, mi ni bulelele mwana yani." Na bonahala kuba wa siyemo sa Sarah fani, myaha ye sebentini ya kupepwa, ye sikisitini ya kupepwa, kamba nto yeñwi. Na hupula, "Batili, kihande Ni sike. Ni ikele feela mwa nzila cwana ni mu lapelele. Mutu ha ka ni bona inge ni ambola ni yena, mbwesha Ni si ke na eza cwalo."

¹⁶⁰ Cwale, mi amuteeleze, bana ba Mulimu, ha u fita fa sibaka seo, bo Jezabele ba kacenu haba bapalela fakaufi ni wena, kono muuna ya nahana uka nahana pili. Wakona kuba yomunde luli, ikona kuba kuli "Nakona kuswanelana ni yena," kono u ka latehisa moyo wa hao, mushimani; babañwi ba mina basizana, kwa tucahato twa ma Ricky! Sefa ya mutu ya nahana itisa maikuto a muuna ya kenile.

¹⁶¹ Mina baana babanyezi, ha mubona basali bani ba mikwakwa cwalo, mina bana babashimani ba Mulimu, kana ha mu lemuhi se ne siezahalile kwa simulaho? Kanti sayansi i ezize basali bunde hahulu mwa nako ya muunda wa lifikasi, kufitela bana ba bashimani ba Mulimu baikungela bana babasizana ba batu (isiñi basizana ba Mulimu), mi Mulimu ha si ka libala kale zeo. Ba sinya taba yateni kaufela; sayansi, bunde luli. Ne kubanga kuli... Kikuli mulemuhile bunde bwa basali ha bu ekezeha mwa mazazi a maungulo, ki sisupo sa mafelelezo; Mulimu u si bonisize cwalo. Kacwalo, itusise Sefa ya mutu ya nahana, ukaba ni maikuto a mutu ya kenile. U ka ku sinyeza lapa la hao. U ka kusinyeza sibaka sa hao. U ka kusinyeza kaufela zo nani; kwanda zeo, ni moyo wa hao! U ka ku sinyeza lapa la hao. Ikona kuba kuli muuna yomuñwi ki yena ya ka ku utela bana ba hao.

¹⁶² I kungele Sefa ya mutu ya nahana, i ka kutiseza maikuto a musali ya kenile. Ha u ya kwa kukuta milili, kamba kusili fela cwalo, mi ba ku bulelela kuli, "U kaba ni kuopa toho mwa ziba."

I kungele Sefa ya musali ya nahana, se i bulezi Bibebe, mwabona, mi u zwe kwateni. Mwabona? Usike wa eza zeo.

¹⁶³ Na ni muzwale wa mina, mi Na mi lata. Hakuna se Ni ku nyaza ka sona. Mulimu wa ziba. Mi kona se si Ni bulelisa lika zeni bulelanga, kakuli ki—ki lilato la Mulimu ku mina. Haiba muuna uwela kwani mi ha ku buleleli, mulisana wa hao a ku tuhelela kuina ni kueza zecwalo, ha ku lati. Hakoni ku ku lata. Ha ni koni kutabela lilato la mufuta o cwalo kwa basali. Ni bata kuba ni maikuto a kenile ku kezela ka. Ni bata luli kuli abe kezela ka mwa niti. Hakuna mutu yakona kubulela sika, yomuñwi ubulela ka musali mwa bezi yomunde ni mwa inezi, ni bona macanci ba mahule bani, “U ya ku zaka . . .” Huh-uh. Batili. Ni bata kuli abe kalibe!

¹⁶⁴ O Mulena, ni beye mwatasi a Licwe. Ee. Mwa Maefese 5:26, nzila inosi fela yep ukona kutaha kwa Licwe lani, ki kuli, “U tapiswe ka mezi a kauhano ka Linzwi.” Yeo ki niti.

¹⁶⁵ Cwale, usike wa lumeleza kuli diabulosi yo akufafaleze ka tuto ya hae. Batili, batili. I ka bulaya susumezo ya hao. Usike wa lumeleza diabulosi kunga seo, “Kihande, Ni wa keleke ko kukena boma, ni bondate, ni bokuku babasali.” Usi lumelezi diabulosi ku ku fafaleza ni zeo. Bibebe ibulezi kale kuli, ka Masika a Likeleke Zesupa, ni lika zeñwi mwateni, kaufela likemi mwa peu! Yeo ki niti. Taba yateni kaufela i bolile. Taba yateni fela ki sitombo se si tezi fela bulalu. U si ke wa mu lumeleza kuku fafaleza yona, kuli, “Kihande, ki mayemo a pahami. Se luitutile hahulu kufita mo ne lubelanga mazazi a kale.” U si ke wa lumeleza diabulosi kubeya zeo ku wena. Ni mi bonisize mulelo wa hae kaufela wa zwelopili, tuto ni sayansi. U li kenisize mane ni mwa keleke, mi musike mwa li teezeza zeo. Beya toho ya hao kwahule ni litaba za masila zeo za mazimumwangala!

¹⁶⁶ Mi palo yaluna ili, “Musike mwa likanyisa, kono mu fetulwe.” Isiñi kuya mwahali ni kubulela kuli, “Ne ni tiisizwe, la Sunda.” Batili. Kena mwahali mi u fetulwe ona fa, ufetulwe ku so li sona, ku seo Mulimu abata kuli ube sona.

¹⁶⁷ Cwale, kuitingile kwa peu yeli ku wena. Haiba peu ya ngana ya butu, ya lituto ibheilwe ku wena, kuna ni fela nto iliñwi yeo ikona kueza, ika ku sinya, ku felile, kwa kuba mwana mushimani kamba musizana wa Mulimu. Kona nto inosi fela yeo ikona kueza. Sicaba kacenu, hanze Ni talima cwalo, baeza mane inge kuli ha ba lumeli kuli kuna ni Mulimu.

¹⁶⁸ Mu ni swalele ka mubulelelo woo. Haiba kuna ni ya ka filikanya ka se, Ha ni talusi kuba cwalo. Lisunda zepeli kwa mulaho Ne ni memilwe, ki mwanake luli wa musizana, kutaha kwa mazimumwangala kuli nibuhe lipina za bulapeli. Neli la Sunda kakusasana. Ne ni bata kuutwa Oral Roberts fa tukiso ya hae, Na ba bulelala kuli ba ni zibise. Bali, “Wa i utwa yeo, ye

ki pina yende.” Mwanake inge ayemi fani, ani bulelela za yona, ni yena. Mi Na tukisa tivi yani . . .

¹⁶⁹ Luina mwa ndu ya kulifela ya musali yana ni televishini mwa ndu ya hae. Ha ni iyakalezi kuba ni yekana mwandu yaka. Batili, sha. Ha ni lati sibyana sani mwa ndu yaka. Nakona ku i kunupa ni tobolo yaka. Ha ni lati sa kueza ni nto ye maswe yani. Batili, sha! Kono nanga mu . . .

¹⁷⁰ Haluboneñi ni mi bulelele za mina ma Arizonian moo. Ne mubone ngambolo yani zazi leliñwi, ya likolo, nji cwani? Eite pesenti ya bana ba sikolo mwa Arizona bakula matuku a kulyangana, sikisite-sebene yabona neli ka kutalima fa televishini. Kucwani ka seo?

¹⁷¹ Kihande u itusise tobolo ya hao! Mwabona? Cwale, usike wa lumeleza diabolosi ku kufafaleza zeo. Batili, sha. Cwale sicaba, sina ha Ni bulezi, batu baeza ingeli kuli ha ba swaneli kutaha mwa Katulo.

¹⁷² Bona bashimani ni basizana baa, nebana ni lubasi lwa si Indian, ni lika zeñwi zeñata. Ni sepa ki mutu yabizwa Bo. Pool kiyena toho ya zona. Mi haiba Ni kile nabona lipina za mashendo, neli mo ne ba liezeza; sikwata sa ma Ricky bali kuyema fani, inge ba zukuza mazoho abona mwahalimu ni fasasi.

¹⁷³ Ni itumezi luli ku mushimani yani kakusasana cwana, ya opezi, na bonahala kuikuteka, inge muuna sakata. Na—Na lata cwalo. Kanti mina—mina baana ba pisinisi kwantu nako yeñwi mubanga ni sikwata sa ma Ricky babayema faa, mi ba kalumuka ni kuhuwa, ni kuzwelapili cwalo, ni kuitiisa ku sa buyela kufitela ba bonahala mubala wa bundilu kwa sifateho; mi koo nha ki kuopela, koo ki kueza fela lilata leliñata la sayansi. *Kuopela* ki “munembo o zwelela kwa pilu.”

¹⁷⁴ Mi Na nahana, “Ha ki makeke ni ao! Ha ki maswabisa ni ao! Kona kuli kucwani ka libizo la bulapeli, baeza inge kuli hakuna Mulimu!” Yomuñwi naize zazi leliñwi, ku mushimani ya zamaya ni mwanake wa musizana. Mushimani wa Mukreste naize, bulela manzwi a butali ka Adama ni Eva, ali, “Eva u zamaya mwa simu. Kuli, ‘Bana, mwabona kota yani kwani?’ Ali, ‘Kwani kona koo bomaho ne ba lu cezi mwa ndu ni lapa.’” Kana mwakona kunahana, ya lukela kuba Mukreste ya tezi luli, seo sikona kunga sepiso ni Linzwi la Mulimu ni ku li kenya mwa mulaka wa likulube! Ba eza inge kuli ha ba swaneli kutaha kwa Katulo. Kono Mulimu uka tisa kunutu kaufela mwa Katulo. Baeza inge kuli hakuna Mulimu.

¹⁷⁵ Ha ni lati ku ba biza likuba, kakuli Bibele ibulela kuli sikuba . . . haki hande. Jesu nabulezi kuli ha ki cwalo. “Musike mwa biza mutu kuli sikuba.” Kono mwa Lisamu 14:1, “Sikuba si bulezi mwa pilu kuli, ‘Hakuna Mulimu.’” Mwabona? Haba—ha

ki... Ha ni lati kuba biza likuba, kono baeza inge kuli ba cwalo. Ba eza fela ona cwalo.

¹⁷⁶ Kacwalo, mwabona fo luinzi kacenu, inge kuli, "Hakuna Mulimu." "Ni wa siemba sa keleke!" Mi bona kaufela, taba yateni kaufela, Bibebe, iba lisheha lelituna. "Keleke ya hesu yaziba ko baya!" Eeh... [Hakuna manzwi fa tepu—Mu.]... kuliba fela hande kwa lihele, kiniti. Ba mwa musipili yabona, kutaha cwalo ka sayansi ni tuto, likolo za lituto zabulapeli ni lika zeñwi, inge ba taha cwalo ka nzila. Moya o Kenile hauna kolo ya kubafa sinulo fa sika kaufela; sikolo sa za bulapeli se li li pumile kwatensi kaufela.

¹⁷⁷ Moya o Kenile wa lu zamaisa; isiñi mukopano wa za bulapeli, isiñi mabishopu ni batoneli, ni babañwi cwalo. Moya o Kenile ki yena Muzamaisi waluna.

¹⁷⁸ Kaine neli mutu ya cwalo. Na li wa bulapeli maswe maswe mwa likezo. Cwale, haiba bulapeli kona fela zo lukela kuba ni zona, kona kuli Mulimu nana ni mulatu ka kunyaza Kaine. Kakuli, nali fela wa bulapeli, nali fela wa bulapeli ni kusepahala hahulu sina Abele mwa na bezi. Cwale muhupule, na hupuzi ka Mulimu, na lapela Mulimu, nabile ni keleke, ayaha aletare, a tisa sitabelo, a lapela, a kubama a sebeza, kono a haniwa. Hakuna taba kamba... Esau nali cwalo, ni yena. Mwabona?

¹⁷⁹ Bulapeli, mwabona, woo ki musebezi wa Satani; ha ki kubulaya taba kaufela, kono ki kusinya fela. Ku felile. Haana ku bulaya taba kaufela. Oh, isiñi sicaba sa swaliso; batili, batili, antikreste ha ki swaliso. Bibebe iize, "Lika puma ni bona Baketwa haiba kinto yekonahala." Musike mwa lemuha lisila la sipi, kono ki mubala wa pulipela. Uh-huh.

¹⁸⁰ Kono, mulemuhe, Kaine natile ku to lapela, kono nana ni peu yemaswe ku yena, peu ya noha. Kuliza muloli kwa noha ne ku utwahalile kuyena, kakuli nali peu ya musali. Na ziba mulao opetehile wa Mulimu, kono ahana kueza zeo. Kana mwa ziba cwalo? Satani uziba tato ya Mulimu, kono na hanile fela kueza.

¹⁸¹ Mulemuhe, na boni Mulimu ha kuteka liñusa la Abele. Cwale Ni bata kuli munahane, muitusise minahano yamina ya Sefa ya mutu ya nahana fa muzuzu. Liñusa la Abele leli lukile, lana pakile Mulimu kuba Niti! Kana musweli mwa teezeza cwale? Uh-huh. Liñusa la Abele ne li amuhezwi, mi Kaine abona ni kuziba kuli Mulimu na pakile liñusa lani kuba la niti. Kono na sa komi fela ku li eza. Muikuhumuso wa hae no mu palelisizwe. Yeo ki niti, muikuhumuso wa hae wa mutibela kueza cwalo. A bona Mulimu kupaka liñusa leo.

¹⁸² Kacwalo kubonahala kuba cwale, kutata hahulu kuli sicaba si ikokobeze kwa Linzwi la Mulimu. Ha—ha—ha ba lati fela kueza cwalo. Ba ka i kokobeza ilibona kwa lituto za litumelo za keleke, luli, kono isiñi kwa Linzwi la Mulimu.

¹⁸³ Haiba mubata kulemuha taba yee, muye mwa . . . Ni na ni Mañolo faa, kona ze Ni swanisisa teñi faa. Genese 4:6 ni 7, Mulimu ali ku Kaine, kuli, “Kiñi sifateho sa hao ha si sosobani cwalo? Kiñi so filikanezi cwalo, unzo sweli kuyembana cwalo? U utwile fela liñusa le li ku filikanyize.” Ali, “Kihande, kiñi so ezeza cwalo? Ki kabakalañi lifateho zamina ha li sosobani, kikuli ha Ni si ka taha mwa keleke yamina nji? Kona kuli kiñi ha mu ezize cwalo?”

Kikuli usweli kuitutisa Sefa ya mutu ya nahana nji? Mwabona?

¹⁸⁴ Kamba, “Kiñi hane . . . Kiñi so bonahalela cwalo?” Ali, “Haiba u eza hande, zamaya u eze sina munyaha hao fani, Ni ka ku amuhela ni kuku fuyola. Ni ka kuezeza nto yeswana.” Kono na si ka eza fela cwalo. Abulela kuli, “Cwale, ha usa ezize cwalo, sibi sa ku sa lumela si fa munyako.”

¹⁸⁵ Cwale ha ba lu bulelala kuli, “Mazazi a limakazo a felile,” ba libona hande ha li boniswa, mwa bona, lika ze kaufela kaufela zeo Mulimu u sejisize Uka li eza mwa mazazi a mafelelezo, za Sinulo 10 ni Malaki 4, lika zeo kaufela libonahalisizwe ka swanelo, ki butata mañi, mizwale? Ki bumaswe mañi, mwabona?

¹⁸⁶ Haba sa ezi cwalo; kusalumela, ili sona sibi. Kuna ni fela sibi silisiñwi, seo kikuli, kusalumela. Yeo ki niti. Ha u atulwi kakuli u cakolwa, u muzubi, umumuna sunko, utinanga tuputula, ueza kaufela zo eza. Batili, zeo ha li kufi mulatu. Libaka kikuli ha u lumeli. Kambe wa lumela, haukoni kueza cwalo. Mwabona? Mulumeli ha ezi cwalol. Una ni Sefa ya muuna ya nahana, mwabona, mwabona, kamba Sefa ya musali ya nahana, ifi kaufela. Ku lukile. Kono, mwa bona, sibi si fa munyako.

¹⁸⁷ Cwale mulemuhe ze ne siezize sani ku Kaine, mi ku ka swana ni kacenu. Ne li konisize Kaine kuicambaela, muezalibi yaeza kaboomu. Na sa lati kuutwela litaelo kaboomu. Mutu kaufela ukuba ka mukwa oswana. Ku sa utwela kaboomu kasamulaho amano bona liñusa la Abele li yemelwa ki Mulimu, kuli neli niti, mi ahana kueza cwalo. Na ezize zeswana nako yani. Mi asila mululwani wa kauhano.

¹⁸⁸ Kuna ni museto okona kusila. Mwa ziba cwalo, nji cwani? [Kopano ili, “Amen.”—Mu.] Cwale, bakutazi, hamoho mo ni kwande koo mwa—mwa sibaka sa luwaile ko kutaha manzwi o mwa naha kaufela, kana mwa bona cwalo? Ha mu bona kuli ki Mañolo, mi kusina kueza sika, Mulimu kamita haezi . . . Uka . . . Oh, u ka zwelapili, u fuyolwe. Kona mo ne kuinezi kwa ma Isilaele kaufela, neba pila fela mwa lihalupa, ni kuutela bana ba bona, limela, ni kufuyolwa, ni lika kaufela, kono “ufi ni ufi wabona a kauhana Kuyakuile kuzwa ku Mulimu.” Jesu na bulezi cwalo. Oh, ehe, Mulimu uka ku fuyola ona foo, kono u icongile. Kiniti. Kona se ibulela Bibele cwale, kona sa Na bulezi.

Mulemuhe, wakona kusila mululwani wa kauhano. Kana mwa lumela cwalo? [“Amen.”] Kaine aeza ona cwalo.

¹⁸⁹ Halu—halu apuleñi fela fa muzuzu fela, Nina ni Maheberu 10:26. Halu boneñi haiba Na kona kuifumana kapili. Buka ya Maheberu, kauhanyo ya 10 mi ni . . . Na lumela, ki timana ya 26. Ni iñözi hande faa. Fa muzuzu fela, haiba mu ka itiisa nyana nina, mi ha lu I baleñi fela muzuzu. Ku lukile, ki fo cwale.

*Kakuli ha lu eza sibi ka bomu bo lu se lu amuhezi . . .
zibo ya kuziba niti, so hakusana sitabelo se siñwi sa libi,*

*Kono ku siyezi talimelo ye sabisa ya katulo ni ya
mulilo o buhali o ka cisa bahanyezi.*

¹⁹⁰ Zeo kona ZEBULELWA KI LINZWI LA MULIMU LELI KENILE. Ha lu hana kulumela ka bomu ha se lu iponezi Sona kale ni ku i kutwela Sona, fo kipeto ke lusila museto. Hakusana kuba swalelo ya seo, u silile museto.

“Oh,” u li, “Mulimu u sa ni fuyola.” Oh, eehe.

¹⁹¹ Muhupule Isilaele, wa *sihalihali*, nako ya ba fa sepiso, mwani mwa Naha ye Kenile, ki . . . mwa naha, neli yende, ya mabisi ni linosi, mi cwale Mushe la luma Kalebu ni Joshua, ni matwela, kuli ba zamaye basilele mwabuse, ba yo twela naha, mi ba yo taha ni bupaki bo bu swanela, balishumi ba bona bali, “Halukoni kueza cwalo, mane halukoni, amubone butata fani, lu kaba bafitelezi mwa tumelo, luna ni lika zenyinyani za kulgwana ni zona, mutualime ze ba nani, luna—luna halukoni kueza cwalo, halukoni kueza cwalo nihanyinyani.”

¹⁹² Joshua ni Kalebu bali, “Luna ni mata amatuna mane lwakona kukona, Mulimu ki yena ya na file sepiso.”

¹⁹³ Mi, muhupule, ba yo kuta. Kwani neli kwa Kadesh-barnea. Mi ba yo kuta ni kuba fela bayambaeli mwa lihalaupa. Mi ufi ni ufi wabona a shwa, mi ulatehile Kuyakuile. Jesu na bulezi ona cwalo.

¹⁹⁴ Musike mwa sila mululwani wa kauhano wani, mwabona. “Ha u ziba kueza zende, kono u sa ezi cwalo, ku wena ki sibi.”

¹⁹⁵ Isilaele na ezize zeswana. Kasamulaho ba bona Mushe kuiponahaza, mi ba tuhelela Balami inza ba selaela mulyani, yona Peu yende yepakilwe yani. Mulisana, shangwe (ki mbamba) usike wa bulela sika kunyaza Linzwi le. Talima ku Balami, nali mupolofita, mi na boni Peu ya Mulimu ha iiponahaza. Kono neli mwatasi a kopano ya hae mwa na pila, Moabi abona sikhata sa bayambaeli bani inge bataha mwa naha, a selaela fateni, mi ali, “Kihande,amu libelele fa muzuzu nyana. Kaufela luna lu Bakreste. Kaufela luna lu balumeli. Kiñi, bashemi baluna ni bashemi ba mina ba swana. Hanili lu bana ba Lota? Hanili Lota neli mwana kaizela Abrahama njí? Hanili kaufela lwa swana? Ha lu nyalaneñi fela.”

¹⁹⁶ Mi Isilaele, sina Eva mwa simu ya Edeni, alumeleza Satani ku mufafaleza ona, a fafaleza ni Isilaele ka mupolofita wa buhata. Mi, mupolofita wa niti nali ni bona, ka Linzwi le lipakilwe. Kono ka zibo ya ngana fela, a ba fafaleza yona. Munahane ka zona. Cwale, ne li si ka swalelwaa, sibi sani ha si si ka swalelwaa.

¹⁹⁷ Lipeu za bolela mwa sibaka sa musebezi, mwa musipili kuliba kwa naaha ya sepiso. Mañi ni mañi wa bona ashwa ni kubola, ona mwa keleke mwani, mwa sibaka sa musebezi, inge ba latelela Mulimu. Mi ba lumeleza Satani ku ba selaela ka ngana ya butu, ya lituto, maikuto a butu fela, bali, “Kiñi, kaufela lwa swana, kaufela lu bana ba Mulimu.” Ha mu cwalo! Kono atuhelela muluti wa buhata yani ku ba selaela ka maikuto a butu ana hupula ka Zona.

¹⁹⁸ Mi kuswana fela sina katengo ka ba Ecumenical Council mo ka sweli kuezeza cwale, mwabona, kinto yeswana, “Kiñi, kaufela lu ka kopana hamoho mwa katengo kakatuna kalikañwi.” Mulao wa katengo kaufela ki wa diabolosi. Ki nombolo ya sibatana, mwa Bibele. Ni kaba ni buka ka yona, cwanooñ nyaan faa, haiba Mulena alata.

¹⁹⁹ Mulemuhe, mwa nako ya Nuwe, ha bona Linzwi liyema, ni ku cimbauka. Cwale haluboneñi ni bulele taba yeñwi faa, Linzwi ha libeilwe hamoho ki ka kufetula lika kuzwa fa mubu kuisa ni kwa mbyumbyulu. Kubona sibupeho sa lika; kono maikuto a ngana yabona, ba seha fapila mupolofita, Nuwe, ha na sweli kupolofita za nako ya maungulo. Kono kiñi sa na... Sibupeho sani ne si ezizwe ka Linzwi la Mulimu, ne si matehilwe mwahali ni kwande, ka tapelo ni tumelo. Mi ha kutaha pula, maikuto kaufela a za bulapeli a shwa ni kubolela mwani mwa... mwa likeleke zabona, fa lifasi fani. Mi areka ya cimbauka fahalimu a zona kaufela. Za sayansi za fafaleza peu ye bolile mwa katulo.

²⁰⁰ Ki sikamañi se lu lika kueza, nihakuli cwalo, kikuli lulika kutomahanya keleke yaluna kamba lulika kutomahanya Linzwi la Mulimu? Ki sikamañi se lu lika kueza? Ki sikamañi se lu beleka? Kikuli lulika kukutisa sicaba mwa Tab ye njii? Ki nto mañi yetunayaa sweli kulika kueza Eva fa mwa lizazi la maungulo lee, uyona keleke ya Eva yee?

²⁰¹ Ni swanelaa kutuhelela ona fa, muzwale, kakuli, seli—seli busihu. [Muzwale uli, “Zwelapili!”—Mu.] Ha mu nife fela mwendi mizuzu ye fifitini cwalo, Ni ka tuhela fa—fa Mañolo aka fa. [“Kiniti, zwelapili fela.”] Eehe. Ku lukile. Na ziba. Kihande, sicaba si bata kutaha mwahali ku to fiyela ni kulukisa sibaka see. Kono Ni bona fela kuli kutata kuli ni tuhele batii. [“Zwelapili fela.”] “Kihande, hakuna ze lu matela.”] Ni ka akufa. Ku lukile.

²⁰² Mutualime, Eva yomutuna wa sayansi, ya lituto, wa mazwake a kacenu, yebizwa keleke, ki sikamañi sa lika kueza? Kana ulika ku tunafaza Linzwi la Mulimu, ni kulumeleza sicaba kueza mo

ba ezeza? Ha ba itusisia Sefa ya mutu ya nahana, kamba, Sefa ya Mulimu. Mutualime se ba tisa. Basweli ku itunafaza ili bona. Keleke i eza ona cwalo, mwa buino bwayona bo bu sinyehile bwa peu ya litukiso za tuto, kona ze tiselelize lusika kaufela kuba mwa butimbi bwa Linzwi la Mulimu ka sayansi. Cwale Ni ka fita fa manzwi ao, Hanina ku liyeha hahulu ka ona cwale, kuli ni feze. Butimbi ka sayansi! Fani Mulimu, ona mwa lifasi mo, ha na eza lika Za sweli kueza, ka Linzwi la Hae la sepiso, mi ba Li tokolomoha ni kuikela fela kusili kakuli ki litimbi ka sayansi. Litimbi ka sayansi!

²⁰³ Ne ni sweli kumenya nako yani kakuli Muzwale Williams fa, nañozí fa kaemba sa pampili faa, “Mwakona kuinelela fateni musihali kaufela,” cwalo. Kono, Na itumela ka seo, zeo ki zende luli. Mwabona?

²⁰⁴ Kono haili sicaba si—si eza sibi ka bomu. Ba lekile mu—mu mulao kaufela wa keleke ya lifasi kacenu kukena mwa sibi sa ka bomu kufoseza Mulimu. Kiñi, muikutekelo wa butu fela u ka kubonisa kuli Li lukile. Ku lukile. Lisila la takazo ne li kwahezi meto a hae, kwa Linzwi la Mulimu, mi u ipumana kuli uinzi mapunu hape. Mwa ziba, Mulimu, mwa Sinulo 3, iize, “Taha, uitekele mulyani wa mwa meto ku Na, kuli meto a hao atone.” Mwabona, Mulyani wa mwa meto wo ki Linzwi la Hae.

²⁰⁵ Mwa ziba, ba li, “Kihande, muuna yoo ubalile uitutile ka myaha ye mashumi amane, kuli abe ni ma digiri a hae. Una ni B.L.D., D.D., ni zeñwi kaufela.”

²⁰⁶ Mwa ziba Jesu za na bulezi ka zeo? Na ize kuli, “Mutu a ikane ili yena.” Paulusi aeza cwalo.

Mu li, “Zeo ha li talusi cwalo.”

²⁰⁷ Kihande, ki kabakalañi Paulusi ha na li lateleha, kanti? Na ize, “Ha ni si ka taha ku mina ka manzwi a kalembeshwa ka manzwi a butali bwa mutu, kakuli ne mu ka toma sepo yamina ku zeo. Kono Ni tile ku mina mwa mata ni ponahazo ya Moya o Kenile, kuli linzwi la mina libe ka... tumelo yamina i yahiwe fa Linzwi la Mulimu, isiñi fa liponahazo za butali.”

²⁰⁸ Ku bonahala kuli sicaba si latehezwi ki ngana ya muikutekelo ni buiswalo bwa kainelo. Ha ba sa li mo ne ba belanga. Ne kubanga kuli, fani mupolofita hanaize, “SA BULELA MULENA KISONA,” batu ne ba sabanga. Eehe, luli ne ba sabanga. Sicaba ne si samaya, kakuli ne ba saba. Kono cwale ba felezwi ki sabo yabona kaufela ka Zona. Ha ba sa saba Mulimu.

²⁰⁹ Solomoni naize, “Sa—sa sabo ya Mulimu kona makalelo a butali,” ona makalelo ateñi luli.

²¹⁰ Kono mupolofita yakona kubulela kuli SA BULELA MULENA KISONA; sicaba sili “bukuba!” Mwabona, hakuba sepo ku bona. Kikuli, ba li, “Kiñi, luna ni butali. Lu talifile ka

toho, ha lu swaneli kuamuhela lika zecwalo! Lwa ziba ze lu sweli ku ambola!"

²¹¹ Ki nguli ya kale hape, kuli, "Likuba likona kuzamaya ni makatulo a limapo, Mangeloi asaba kuhata." Kiniti.

²¹² Cwale, kufetulwa kinto mañi? (Kapili.) Lufita cwani ku zona? Kufetulwa kutaha cwani? Mulimu u ezanga cwalo ka Moya wa Linzwi la Hae. Wa fetula. U cala Peu ya Hae, ubeya Moya wa Hae ku Yona, mi kona Zetisa libyana sakata. Moya wa Hae o Kenile ueza Peu ya Linzwi kuli li pake mufuta wa Lona.

²¹³ Mufuta wa peu yo li yona, kona yebonisa fela so li sona. Haukoni ku ipata. Kaufela so li sona mwahali, ika bonahala ni kwande. Haukoni ku ikambusa kuzona. Ha ukoni kueza kuli kota yeo ibe sika sisili se isi sona. Mwabona, ika—ika ba ona cwalo. Moya o Kenile kona ofetula lipeu zeli mwahali a yona. Hakuna taba kamba ki peu yecwani, Ika i fetula. Haiba ki yemaswe, i ka tahisa zemaswe. Haiba ki muipi, ika tahisa za buipi. Haiba ki Linzwi la Mulimu la niti, Ika tahisa mwana wa mushimani ni musizana wa Mulimu, ka Sefa ya mutu ya nahana. Mi cwale Peu ha ihula, Itaha ka kuhulela ku Se, Ika tahisa mwana wa mushimani ni musizana wa Mulimu.

²¹⁴ Zazi leliñwi lifasi ha li kaba mwa lififi la butata, Mulimu... . Cwale amuteeleze kaswanelo, kakuli haluna kubulela... . ka nako yelikani fela. Mutualime. Zazi leliñwi lifasi hape hanellili mwa mifuta kaufela ya bulapeli, kutapisa mazoho, lipoto, kutina liapalo zeshutana ni likuwani, ni zeñwi cwalo, neli inzi mwa butata. Isilaele wa niti wa Mulimu na lyangani hahulu kuzwa kwa milao ni likatulo za Mulimu, Jesu naize, "Mina, ka lizo za mina, mueza Linzwi la Mulimu kutockwa mata kwa sicaba, ka lizo za mina." Mi ha mutualime baprisita ba ba kenile bani, mo ne baba bizeza; mi Jesu ali, "Mina muzwa ku ndata min, diabolosi, mi mueza misebezi ya hae." Mwabona, ona zeo luli kona za Na bulezi.

²¹⁵ Cwale lifasi ha ne liinzi mwa bumaswe bobu cwalo, Moya wa Mulimu wa zamaya hape kutaha fa Peu yene lelilwe kale. Na tolokile ni kufetulwa mwa Isaya 9:6 ka sepiso ya Yona; Yena, Mulimu, na ezipwe mwa nama ya butu, kuli a lamulele nako ya ziyezi yani. Mi mutu ha na bupilwe mwa siswaniso sa Mulimu, ki yo Mulimu ataha, ka mupolofita ya na liboni kale... . Cwale muhupule Linzwi, mupolofita na liboni kale, yena mupolofita yaswana yana boni Satani mwa lizazi la mafelelezo lee, mwabona, ka litukiso za tuto ye ni lika za ipumanezi, tukiso ya bulapeli. Mupolofita yaswana, Isaya 9:6, naize, "Ku luna lupepezwi Mwana, lu filwe wa Mushimani; mi Libizo la Hae uka bizwa 'Muelezi, Mulena wa Kozo, Mulimu Yamata Kaufela, Ndate wa Kamita.' Mi puso ya Hae haina kufela." Mi Linzwi leo ki Linzwi la Mulimu. Mi Moya no ambalala fahalimwa Linzwi

lani, mi La bupa mba ku mwalanjo. Amen. “Mwana u pepiwe,” isiñi kubupiwa, “kupepwa.”

²¹⁶ Satani na likile ni kulika hape, ku Lifafaleza. A Mu pahamisa fahalimu ni kubulela kuli, “Haiba U inzi ka Mo bulelela kuli kona Moinezi, kipeto aku ni ezeze foliso ye. Ni bonise Mo kona kuezeza zeo. Fetula se, buhobe, ni macwe a kuba buhobe. Ha lu Ku bone utule, kakuli Liñolo liize Uka eza cwalo.”

²¹⁷ Mwabona mioya yemaswe yani ya bulapeli kacenu kufitela kubulela nto yeswana yani? “Haiba kuna ni nto yakuli foliso ya Bulapeli; ki yo fa Muzwale wa *Kuli-ni-kuli*, lu kubone cwale u mu folise.”

²¹⁸ Yena diabulosi yaswana yani nayemi fapila sifapano sa Jesu, ali, “Haiba ki Wena Mwana Mulimu, tuluka fa sifapano.”

²¹⁹ Linzwi libulezi kuli Nali yena Mwana Mulimu. Moya wa bonisa kuli Na li yena Mwana Mulimu. Isaya 9:6 na talelelize. Mi busihu bobuñwi, buñata bwa mina fa silimba muutwile mo ne lufezi Mañolo afitelela sikisite bukana, cwalo, Na sepa, ka kubonisa ka Mañolo kuli nabulezi kuli Neli Yena kasibili.

²²⁰ Oh, Satani na likile ni kulika hape, kueza sika kaufela. Busihu bobuñwi, inza lobez kwa mulaho wa sisepe, a Mubona inza lobez. Mi ki hali, “Ni ka Mu bulaya ona fa cwale.” Kono apalelwa.

²²¹ Na likile ku Mu lika kueza nto yemaswe, kono apalelwa. Kiñi? Na fafalelizwe ka mulyaniohanisa matuku mwa bukamuso bwa hae. Habakoni ku pumiwa. Batili, batili. Linzwi ne liize Ukaba teni fa. Amen. Hakuna dimona ye ka Mu kataza, mi hakuna mwana Mulimu usili, ya susumelizwe kunga sibaka sa Hae. U fafalelizwe ka mulyani otibela matuku. Seo ki sifanu sa Satani, madokota ba likopano mane habakoni ku Mu swala niheba hanyinyani. U zamaya ona cwalo, hakuna ze ka Mu bilaeza, mwabona. Ne li sika butata ku Yena.

²²² “Kihande, Ni ka Ku eza bishopu wa lifasi kaufela. Ni na ni mata fahalimwa lika kaufela. Haiba Uka ni kubamela, taha u to ikopanya kwa sikuwata sa ka, Nika—Nika Ku eza mubusisi. Nika tuluka, Wena u paame.”

²²³ Mi ali, “Zwa ku Na, Satani. Ku ñozwi, ‘U swanelia fela ku kubamela Mulimu, kona Linzwi, mi ki Yena fela yo na ni kusebeleza.’” Mi cwale zazi leliñwi . . .

Ku yena Mutu yomutuna yoo, Ni ka tabela kuliyeha fateni ka nako nyana.

²²⁴ Kono zazi leliñwi, Moya wa zamaya wataha fahalimwa Hae hape; kakuli nekuna ni Linzwi lene li ñozwi ka Yena, lelizwa ku Mulimu, ka mupolofita, “Mi Aisiwa kwa kubulaiwa, sina ngunyanya” Mi Moya wa taha fahalimwa Hae, ni ku Mu etelela, ni ku Mu luma kwa sifapano sa Kalvari. Teni kwani Ashwa. Mi lika kaufela ze ne bulezwi ka Yena mwa lifu la Hae, za talelezwa,

kutisa Liseli ni Bupilo kwa Peu ya Mulimu kaufela yene lelilwe kuba mwa lifasi. Atisa nzila ku yona. *Kiye* Peu, Moya wa kona otisa Bupilo; kufetula bana ba bashimani ni basizana ba Mulimu, kuzwa mwa lifasi la siyezi ya lififi, kutaba kwa kuba bana ba bashimani ni basizana ba Mulimu.

²²⁵ Musike mwa sitatala fa linzwi leo “kulemuhiwa.” Na ziba mwa sitatala. Kono, muteeleze, ha Ki linzwi laka. Ki leliñwi la Manzwi a Mulimu. Mubata ku ipalela lona, mubale Maefese 1:5, zeo, “U lu ketile kale kuba bana ba bashimani ni basizana ka Jesu Kreste.” Mwabona?

²²⁶ Mutuhele fela kuli ni taluhanye fa muzuzu fela, fa muzuzu fela, kuli ni mi sibise taba ye mwa minahano yamina. Amutalime. Inge fela mo ne uinezi ku ndataho kwa simuluho, neli peu yepila. Kana mwa ziba cwalo, kaufela mina kana? No inzi kubo kuku-wabo-kuku-wabo kuku wa hao, hape, kana mwa ziba cwalo? [Kopano ili, “Amen.”—Mu.]

²²⁷ Mubale Buka ya Maheberu, mo lu fumana kuli Levi na lifile sabulishumi nako ha na sa li mwa liteka za Abrahama, masika amane kwa mulaho a hae. Nako yeo Abrahama ha na fa zabulishumi ku Melekisedeke, ne ibalezwi ku muikulu-wamuikulu-wa muikulu mwatasi kuyena, mi nali mwa liteka za Abrahama. Ki fo he cwale. Mwabona?

²²⁸ Noli mwa teka ya bondataho, kono bondataho ne ba sakoni kuba ni wena kufitela ufetulwa kutaha mwa mubili wa nama.

²²⁹ Mwana ka nali ku na. Ne—Ne—Ne ni bata mwana wa mushimani, kono na inzi ku na ka nako yani. Mwabona? Na li kuna. Kono ka kufita mwa linyalo, a fetulwa kuba mutu yaswana ni na, mi ki ha ba sina na.

²³⁰ Mi ni wena wa to ba inge bashemi ba hao, mwabona, kakuli nali kuwena, ka kuhala. Cwale haiba lu bana ba Mulimu, milelo ya Hae... Yeo, wena u mulelo wa bondataho, isiñi wa bomaho; bondataho. Peu iinzi ku bondataho. Mwabona? Mi cwale bomaho neli fela sibulukelo se ne si kulwezi, ba lwala peu ya bondataho. Mwabona?

²³¹ Mi lifasi, mwa nama, hape ki si shimbelo se si lwezi peu ya Mulimu. Mwabona, ona cwalo fela. Isiñi lifasi, lifasi mo li bezi lelituna; ki butuna bo Mulimu ali bupezi. Mwabona? Mwabona?

²³² Cwale haiba u mwana Mulimu wa mushimani ni musizana, konakuli no li ku Mulimu kwa simuluho. U milelo a Hae. Haiba no si yo fa, konakuli wali kuba ube teñi mane hauna kubateni.

²³³ Kakuli, Hanikoni kuhupula, kuzwa mwa liteka zaka, mwana muuna yoo *fa* kamba muuna *yani*, Nikona fela kulwala bana baka kihona, mi ba ka swana nina. Haleluya. Mwa bona kana?

²³⁴ Bana babashimani ni basizana nebali ku Mulimu kwa simuluho. Cwale amutalime. Muna ni Bupilo Bobusafelli, mubulela cwalo. Lwa lumela cwalo, kuli luna ni Bupilo

Bobusafeli. Kihande, kuna ni fela mufuta ulimuñwi wa Bupilo Bobusafeli, mi yoo ki Mulimu. Yeo kona taba inosi ya Kuyakuile, ki Mulimu. Mi haiba una ni Bupilo Bobusafelli, bona Bupilo bobuli kuwena bo nebuli kuwena kamita cwalo, mi no li mwa liteka za Mulimu mane ku si kaba kale lifasi. Mi cwale Linzwi Kasibili... Jesu Kasibili ubizwa Linzwi, mi ni mwa Liñolo la Joani 1, iize, "Kwa simuluho nekuna ni Linzwi, mi Linzwi nali ku Mulimu, mi Linzwi neli Mulimu. Mi Linzwi a ezwa nama mi a to yaha ku luna." Mi no li mwa liteka za Jesu, mi aya kwa Kalvari ni Yena. No shwile ni Yena, mi wa zuha ni Yena. Mi kacenu luinzi mwa libaka za Mahalimu ku Yena, lutezi Moya wa Hae, bana ba bashimani ni basizana ba Mulimu. Kushwa ni Yena, kuzuha ni Yena. Luli.

²³⁵ Cwale he, cwale, cwale mwakona kuikambota ni Yena. Nemusakoni kuba cwalo kwa mulaho kwani, kakuli no li fela Linzwi ku Yena, neli fela peu. Kono cwale U mi bonahalize, mi cwale Ubata kuli mu ikambote ni Yena. Mi ki Ha taha, aeziwa mwa na ha kuli Akone kuikambota handende ni wena. Mwabona kutwano yepetehile nji? Oh, mawi, likunutu zetibile zeo za Mulimu! Ha ki bunde ni boo! Mwabona, Mulimu na si ke kuikambota mwa Moya, kacwalo Mulimu atoba alimuñwi wa luna.

²³⁶ Jesu Kreste nali Mulimu Kasibili, ya bonahalile, kakuli, Nali yena Mwana kakuli Nali ya pepilwe anosi, kono neli fela tabernakele ya Hae mwa na pila. "Hakuna mutu yakile abona Mulimu ka nako ifi kaufela, kono konji wa Libanda ya pepilwe ki Ndate ki yena ya Mu pakile." Mulimu na ipupezi Iliyena ndu, mubili wa kupila kuona, atuluka kuli mukone ku Mu swala. Timotea Bapili 3:16, "Ki taba ye sa hanyezwi, yakuli kunutu yabulapeli kiyetuna; kakuli Mulimu na bonalile mwa nama, abonwa ki Mangelozi, alumelwa, a amuhelwa kwa Lihalimu." Mwabona? Cwale Yena...

²³⁷ Wena kakuba nama, ni Yena kakuba nama, kona kuli mwakona kuikambota cwale, kakuli Nali mulelo wa Mulimu wa lilato. Mulimu u lilato. Kana kona cwalo? Mi Jesu nali mulelo wa Mulimu wa lilato. Mi, cwale mulelo wa lilato ha no bonahalile, mane yani, neli yena Mulimu Kasibili; milelo kaufela yene li ku Yena, yataha ku Yena, "Kaufela za Ni file Ndate, li ka taha ku Na." Luli, nebana ni ku lemuhiwa kale. Kambe nekusi cwalo, nemusike mwaba teni. Ku felile. Kiniti.

²³⁸ Cwale lwakona ku ikambota, neli ka-ka bufumu bwa Linzwi la Hae, mi ili boo muli siemba sateni. U siemba sa Linzwi; kakuli Na li Linzwi kwa simuluho, ni wena u Linzwi cwale. Mwabona? Ni ka kutaza busihu boo, kamba la Sunda kamba leliñwi la mazazi ha Ni ka taha, ka seo Linzwi lili sona, mwabona. Mi cwale u siemba sa Linzwi.

²³⁹ Muteeleze. Kuna ni nto iliñwi ye Ni sa koni kueza. Hanikoni ku ikuhumuseza bashemi baka. Batili, Ni hulezi mwa bubotana. Bondate neli baana bama Irish. Boma neli masame bama Indian, mu Indian wa licika; bomabona neli ma Indian, ne ba holanga lituwelo za bona. Cwale, kaufela bona, ne ba nwa, buñata bwa bona bashwile ni makatulo kwa mahutu, inge balwana, baana ba litobolo, ni zeñwi cwalo. Hakuna ze ni kona kuikuhusa ka zeo, kakuli bashemi baka ni situndo da lusika lwaka ki ziyezi luli.

²⁴⁰ Kono, muzwale, kuna ni taba iliñwi ye Ni kona ku ikuhumusa kayona, Nakona kuikuhumusa ka Mulena ka Jesu Ya ni pulusize. Mi ka mata a Hae a ku fetula acala peu, ka kuketiwa cimo, mi Na I bona. Se Nili mwana mañi cwale? Ehe. Nakona ku ikuhumusa ka Yena. Mi Ni bile ni myaha ye mashumi amalalu a bupilo bwaka, inge ni bulela za Hae. Haiba Na ka ni fa myaha yemiñwi ye mashumi amalalu, Ne ni ka lika kubulela zeñata mane ka Yena. Mwabona? Nakona kubulela za Bashemi baka, haleluya, Yena ya ni pulusize ni kucala peu ya Bupilo mwahali *mo*, mi haluboneñi ni talime fa Linzwi, aluma Moya wa Hae mi ali, “Ki Ye fa. Bulela *se*, mi si ka ezahala. Eza *sani*.” Mi oh, mawi, Na kona kubulela ka za Hae! Na ezize cwañi zeo? Ka kutapiswa kwa mezi a Linzwi, ona mezi a kauhano. Kambe neluka kona ku li tatulula.

²⁴¹ Balumeli baba lemuhilwe kale ba ka ina ni Linzwi kakuli ki siemba sa Linzwi lani.

²⁴² Oh, linaleli ze yembana, mu ka yembuluka nako yekuma kai? Mina ba Methodist, Baptist, Presbyterian, ba kwande, kaufela se mukona kuba sona, linaleli ze yembuluka kuzwa keleke ye kuya kwa keleke yeñwi, kuzwa musumo kuya kwa sibaka, ni televishini kuya kwa televishini, lifasi le kuya kwa lifasi leliñwi, kiñi ha sa itiisi fela? U tabela kuba ni ngambolo ni wena. U lakaza kuba ni wena. U tabela ku ku fetula ka kushemukwa kwa minahano, isi kwa keleke kamba kwa kopano, kono kwa Linzwi la Hae, leo, u siemba sa takazo yani mwahali kuwena.

Mbuyoti ki ya baba na ni tala ni linyolwa kabakala la kuluka: kakuli ba ka kuliswa. (Mwabona? Uh-huh.)

²⁴³ Mi U lumile mata a Hae a kufetula, kuli amitise kuzwa mwa sinyeho ya bulapeli yemuli kuyona yeo. Mwa butata bwa sinyeho ilikanakanan yeluli kuyona yee, Mulimu ulumile mata a Hae a kufetula, Linzwi la Hae, a pakilwe, kuboniswa, ku kuzwisa mwa sinyeho ya bulapeli bwa ku sa ziba kuli uzamaya fela, “mapunu, sibofu, u mwelwa, kono ha u zibi.” Munahane ka zona, balikani.

²⁴⁴ Mwa ziba, Mulimu a luma mata a Hae kuli ataleleze Linzwi la Hae, ni ku cinca mibili kaufela wa Sarah ni Abraham. Afetula muuna muhulu ni musali muhulu, kakuli Na sepisize kuli Uka eza cwalo.

²⁴⁵ Mi sa sepisa Mulimu kueza, kona sa Ka eza. Hakuna sika, kaufela . . . Kaufela se si lyanganisizwe, Mulimu hakuna sa kona

kueza in sona. Kono Uka buluka Linzwi la Hae, mi Uka luma Moya wa Hae! “Ki na Mulena ya I calile. Ni ka I selaela musihali ni busihu, kuli yomuñwi asike ali zwisa mwa mazoho a Ka.” Ki Bibele yebulela cwalo.

²⁴⁶ Oh, linaleli ze yembana, wena yana ni takazo mwa pilu! U swanelo kuba ni yona, ku si cwalo so nosike wa ba mo kakusasana cwana. Mi nosike wa ba mwa likeleke zeo ni miyaho, ni lika zo ipumana kuzona, kafoo kwande ni mwa na ha kaufela, haiba Sesiñwi ha si si ka kutisa mwateni. Kuna ni mutu ya na ambozi ni wena. Usike wa zwelapili niheba hanyinyani. Kuna ni kutapiswa ka mezi a Linzwi, ko ku ka kenisa busweu sina litwaa. Oh, bana ba Mulimu, amuteeleze! Musike mwa ina mwa buyanga boo. Amuzwe mwateni. Abrahama na lumela ku Mulimu, mi abiza sika kaufela se si shutani . . .

²⁴⁷ Mu li, “Ni ka I pilisa cwani? Na Nikona cwani kueza sika *se*?” Woo ki musebezi wa Mulimu. “Kikuli Ni ka eza cwani? Balikani ba ka timbooka.”

²⁴⁸ Mulimu naize, “Ya ka siya ndatahe, ni mahe, musala hae, muuna hae, malapa, mandu; Ni kaba malapa ni mandu, Ni ka bafa bondate ni boma, ni mizwale ni likezel, mwa lifasi le, ni Bupilo Bobusafeli mwa lifasi lelitaha.” Ki sepiso, mulikani. Kuli, oh, zeo li lukela kusaelwa! Sepiso ya Mulimu kaufela ina ni ku ezahala. Peu ya Mulimu kaufela ki sepiso.

²⁴⁹ Mi, kezeli, tuhela kukuta milili ya yeo, kakuli ki taba ye sa zibahali fapila Mulimu. Tuhela kutinanga liapalo zecwalo, ki maswabiswa ku Yena!

²⁵⁰ Mina mizwale, mina baana, mutuhele ku yembulukela mwa likopano zee, ka kueza lika, ni kulumeleza basali ba mina kueza lika zeo. Ha ki swanelo kwa Bakreste.

²⁵¹ A mukutele kwa Linzwi! Munge Linzwi leo, Li ka hula. Li swanelo kuhula. Mata a Mulimu akufetula ana Li tisize ka nako yapili, U keni mwa musipili wa Hae kuli atahe, ku Li kutisa hape cwale. U kutela hape ko ne libanga.

²⁵² Enoke na ngilwe, kwa ku sa shwa, ka mata a Mulimu a kufetula. Ki sikamañi sa na ezelize cwalo Mulimu? Neli mufuta wa Keleke ya ka ngelwa yesa taha. Ehe. Elia ni yena neli nto yeswana.

²⁵³ Mubili wa Jesu no filwe bupilo kasamulaho u ma no shwa. Mi mwa libita, mubili wa Jesu wa fiwa mata ka Linzwi la Mulimu; ni kufetulwa, kuzwa kwa bafu, sibupiwa se si batile, ni kuba Mwana Mulimu ya zuhile, ya filwe kanya. Kakuli mupolofita, Lisamu 16:10, haiba mubata ku i ñola, 16:10, iize, “Hanina kusiya moyo wa Hae mwa lihele, Na mane hanina kutuhelela Ya Kenile wa Ka kubona kubola.” O Mulimu!

²⁵⁴ Linzwi lani lina ni kutalelezwa, Ki Linzwi la Mulimu! U li cale mwa pilu ya hao, haiba ubata kuya mwa Kuungelwa.

Haiba ubata kuba Mukreste wa niti, beya mwateni Linzwi leo. Sina ha Ni lumela kuli neli Ezekiele, Mulimu naize, “Nga buka yeo mi u ce,” kuli mupolofita ni Linzwi babe nito iliñwi. Mi sepiso ifi kaufela mwani ina ni kuiponahaza iliyona, kakuli ki Peu ya makalelo ya Mulimu. Usike wa lumeleza mutu ya itutile za bulapeli kuli a Izwise ku wena. Usike wa mu lumeleza kukufafaleza ka zibo ya sayansi yeo, ni tuto. Ulumele Mulimu!

²⁵⁵ Abrahama na si ka ya ka lipatisiso za sayansi ya lizazi la hae, kubulela kuli, “Ni mucembele ni supezi kuli nibe ni mbututu, Nifitle fahule hahulu. Ni ezize *se, sani, kamba sesiñwi*.” Kono a biza kaufela ze ne shutani, kwa Linzwi la Mulimu, inge kuli ne li si cwalo. Mi a si ka sitatala fa sepiso ya Mulimu, ka ku sa lumela; kono a tiya, inza fa milumbeko ku Mulimu. Na ziba kuli Mulimu na ka kona kueza sa Na sepi size.

²⁵⁶ Oh, bana baba yembana, ba hologalizwe ki lungwatanga lwa lifasi lee! Likezeli ze yembana, kuli libaka ni mafasho a lifasi le li mi hoholozi! Mi, kezeli mutaliwa, wakona ku ninga kuli ni mucembele ya ipitezi, kono leliñwi la mazazi a ha u ka katana sa katani Florence Shakarian busihu bobuñwi; na inanga mwa muzuzu woo, ni yena, mwa sibaka se, sina ha mu ziba. Ha u ka katana seo, uka ziba, isiñi na, kono Linzwi le ki la niti. Inela kwahule ni ma baba shopu ao, lintolo za mafasho zeo. Zwa kwa lika zeo.

²⁵⁷ Bali, “Kiñi ha u sa ba lutu lika zetuna, mwa kubela ni sa *kuli*?” Kalisa fela ni ABC ya hao, mi kona lu ka taha kwa alugebura. Mwabona? Mukalise fela kuituta, “ili yona sebelezo ye mi lukezi.”

*Na mi lapela cwale, banahabesu, ka mukekecima wa
Mulimu, kuli mu beeble mubili wa mina kuba sitabelo se
si pila, se si kenile, mi se si kateleha ku Mulimu, ili yona
sebelezo ye mi lukezi.*

²⁵⁸ Wena ueze fela “sebelezo ya hao ye ku lukezi,” Mulimu uka tokomela ze siyezi; mwabona, ku nahana fela zo kona kunahaha wena kasibili ni kueza. Ha ki cwalo . . . Ha ki swanelo kuli musali a itubule kufita ni kwa mahutu, mi azwele fande aeze likezo zecwalo, kanti Bibele ya li nyaza? Hanili ha ku swanelo kuli muuna ai cumbele mwa tuto ya bulapeli bobucwalo sina mo lubezi kacenu, ni lika ze kaufela moo, ni lika ze za likolo za bulapeli, ni zeñwi zecwalo, kanti ki ze shutana kwa Linzwi la Mulimu? Mwabona?

²⁵⁹ Milomo ya Isaya, nali fela mutu wa fela fela wa milomo ye masila. Mi naize, “Mulena, Ni pila mwahala sicaba sa batu ba milomo yemasila. Bumai ki bwaka kakuli Ni boni Mulimu.” Mi Lingeloi la tuluka, la yaka Mulilo, Mulilo o Kenile kuzwa aletare ya Mulimu, mi a fetula milomo ya hae; kuzwa fa milomo ya muuna ya yembana, kuba milomo mupolofita yana ni sa kuli SA BULELA MULENA KISONA. Mata a Mulimu a kufetula!

²⁶⁰ Baana baba mwanda ni mashumi amabeli batambi, ni-ni balekisi babanyinyani ba pulipela, ba basali, mi bani bene bakopanezi mwa ndu ya fahalimu ni kukwala minyako, babañwi ba bona basina tuto yeñata ya kuziba kuñola mabizo a bona. Mulimu na ba fetuzi kuzwa kwa kuba bayambi ba litapi, kuba bayambi ba batu; kuzwa kwa baana ni basali ba mwa mikwakwa, kuba balumeli ba Mulimu, baba sashwi. Mata a Mulimu aku fetula!

²⁶¹ Paulusi, membala wa keleke ya mwa sibaka, Presbyterian, Methodist, Baptist, Pentekota, kamba sesiñwi; kokena cwalo mwa mukwakwa aya, ni moyo omutuna o hatelela, kuli na ziba kufita ufi wabona kaufela. Na hulisizwe ki Gamaliele, alimuñwi wa baluti babande hahulu kubene baliteni mwa na ha. Se ne si ezahalile mwa musipili wa hae kuliba Damaseka, bene ba lumela Linzwi la Mulimu? Fa musipili wa hae kuli kwani, a wisezwafafasi, mi a utwa Liñusa. Mi La mu fetula kuzwa kwa kuba membala wa keleke ni ya kena fela ka milapelo; ni kuba mupolofita wa Mulimu, ya na ñozi Linzwi la Mulimu, mwa Testamente ye Nca. Kuzwa kwa kuba membala wa keleke mi aba mulumeli!

²⁶² Oh, naleli ye yembana, ha lu yemeñi. Mwana ya yembana, Peu ye yembana yezwa mwa sibaka ni sibaka, mwa buyanga boo; amu kwenuhe, kakusasana cwana, bana. Shangwe amu ni utwe sina mutu ya—sina mutu yalika kuyema mwahala babapila ni ba bashwile.

²⁶³ Kwande koo mwa lifasi ko ku utwahalela manzi aa haiba mwa lu teezeza, mina baba yambaezi mwa sibaka, shangwe amuine fela kia muzuzu nyana. Ni ziba kuli seli busihu kwanu kwa Tucson kamba, mu ni swalele, Phoenix, seli mizuzu ye mashumi amabeli kuli twelufu ikwane. Mi Ni bile ni sicaba se mo kakusasana kaufela. Ni mi bulukile kwahule ni misebezi yamina ni zeñwi. Kono talima, mulikani yomunde, wakona kuba kwahule ni Mulimu kuyakuile. Shangwe kuta kakusasana cwana. Kikuli ha u tabeli nji? Kuna ni sibaka kwa Siliba.

Mwa sicelo kwa kale, Ni ziba kuli kucwalo,
Mbumbu apepwa kupilisa sicaba kwa libi za
sona.

Joani a Mu bona fa likamba, yena Ngunyana ya
kamita,
Oh, Kreste, ya Kokotezwi fa Kalvari.

Oh, Na lata Muuna yani wa kwa Galilea, wa
kwa Galilea,
Kakuli U ni ezelize zeñata hahulu.

U ni swalezi libi zaka kaufela, abeya Moya o
Kenile kuna;

Oh, Na lata, Na lata Muuna yani wa kwa
Galilea.

Mutelisi ayo lapela kwa tempele zazi lelinwi,
 A lila ali, "O Mulena, u ni utwele butuku!"
 A swalelwa sibi kaufela, mane kozo yetuna ya
 tala pilu yahae;
 Mi ali, "Mutahe mu to bona Muuna yoo wa
 Galilea." Kiniti.

Sihole sa zamaya, simumu sa kona kubulela,
 Mata ani na bulezwi ka lilato fa liwate;
 Sibofu sa kona kubona, Ni ziba kuli ikona fela
 kuba
 Ka sishemo sa Muuna yani wa kwa Galilea.

²⁶⁴ Mubapanye seo ni bulumiwa kacenu.

Musali fa siliba, A mu bulelela libi za hae
 kamukana,
 Kuli nana ni baana ba ketalizoho ka nako yani.
 A swalelwa sibi kaufela, mi kozo yetuna ya
 taha ku yena;
 A huwa, "Amutahe mu to bona Muuna yo wa
 Galilea!"

²⁶⁵ Musali tuwe, Ukona kueza nto yeswana. U balile pilu ya
 hao kakusasana cwana. Muuna tuwe, U balile pilu ya hao. Oh,
 mutelisi, ha lu lapeleñi!

Oh, Na lata Muuna yani wa kwa Galilea, wa
 kwa Galilea,
 Kakuli U ni ezelize zeñata hahulu.
 U ni swalezi libi zaka kaufela, abeya Moya o
 Kenile kuna;
 Oh, Na lata, Na lata Muuna yani wa kwa
 Galilea.

²⁶⁶ Kikuli ha una ku Mu lata, hamoho nina, kakusasana cwana?
 Oh, muezalibi ya yembuluka, ya yembana, mo kamba kwande
 ko ufumaneha kaufela, kikuli utabela kuamuhela Mulena na
 kakusasana cwana? Ki yena Linzwi, mi Linzwi li tisizwe ku
 wena. Kikuli uka Mu amuhela kakusasana cwana nji? Nanula
 mazoho a hao kamba kuyema, kamba nto yeñwi, ni kulapela, uli,
 "Ni bata ku Mu amuhela onafa cwale. Muzwale, Na itakaleza.
 Ni bata onafa cwana ni Mu amuihele." Aku yeme ka mahutu,
 kaufela ya bata ku mu lapelela, mi ubulele kuli, "Kina yo . . ."
 ni lapele, nitaluse, "Ni muezalibi. Ni bata . . ." Mulimu aku
 fuyole, muñaka. Yomuñwi hape? Mañi ni mañi mulapele cwale,
 fa muzuzu feela.

Oh, mwa sicelo sani kwa kale koo, (neli mwa
 masila, mwa ziba, lifasi nelili cwalo), sina mo
 Ni zibela kuli ku cwalo,
 Mbumbu yenyinyani ya pepwa kupilisa batu
 kwa libi zabona.

Nako ya Mubona Joani fa likamba, Nali yena
 Ngunnyana yani ya kamita, (kiyena Yaswana
 ni kacenu)
 Oh, ki Yena Kreste, ya Kokotezwi fa Kalvari.

²⁶⁷ Kikuli hauna ku Mu lata kacenu ka pilu ya hao kaufela, kuli
 uzwe mwa buino bwa lifasi le mo pila? Mina basali, mina baana,
 oh, muinezi sikamañi fa nako yetelele ye kaufela? Si bonisa kuli
 kuna ni sesiñwi mwatasi ku wena, kuna ni sesiñwi se si lapile
 ni kunyolelwa. Nemusike mwaina mo ka lihola zepeli ze kamba
 zetalu, mwa li kuina mwa tuyaho wo cwana; kuna ni sesiñwi.
 Kana hauna feela kuteeleza la kacenu feela? Tuhela mafasho ni
 sayansi, ni lika zeñwi kaufela za lifasi, lishwe mwa munahano wa
 hao cwale fa, muzwale ya lateha kamba kezeli ya lateha.

Likeleke lisweli kukopana, linaha zetuna za
 ikaba, Isilaele wa zuha,
 Lisupo zene ba bulezi kale bapolofita;
 Mazazi a Bamacaba a balilwe, ni masima a
 katilwe;
 “Mukute, haenu Mawe mina, mu yambaezi.”

Lizazi la kuliululwa li fakaufi,
 Lipilu za batu za ikalelwa ka sabo;
 Mu tale Moya, mi malambi a mina atuke hande,
 Mutualime kwa halimu, kuliululwa kwa mina
 ku sutelezi!

Bapolofita ba buhata ba puma, Niti ya Mulimu
 ba i latuzi,
 Kuli Jesu Kreste ki Mulimu wa luna.

²⁶⁸ Cwale, yeo ki niti. Mwa ziba cwalo, kaufela luna, lizazi le
 lupila kulona.

Kono Na bulezi kuli ku kaba Liseli ka nako ya
 manzibwana,
 Nzila yeliba kwa Kanya mu ka ifumana kaniti.

²⁶⁹ Leo kona lizazi mo lupila ona fa cwale. Liseli li ka benya kwa
 manzibwana ka nako ye kutaha lififi, nako ya kafifi, ka nako
 naleli ya sikupa mulalelo.

Liseli la manzibwana ni naleli ya manzibwana,
 Mi kasamulaho wa lififi leo!
 Kusike kwa yo ba maswabi a kulaezana,
 Ha se Ni pahami la mafelelezo;
 Kakuli zeli kwande kaufela nako ye sakonwi
 kulikanyiswa ka nako,
 Ni muunda u ni kukiseze kwahule,
 Kono Ni bata kubona Sandaula pata ni pata
 Ha se Ni silile likamba.

U si ni buleleli, mwa buñata bwa maswabi,
 Kuli bupilo ki tolo fela ya yambango!
 Ni kuli moyo o lobezi u shwile,
 Ni kuli lika haliyo mo li swanela kubela.
 Luli, bupilo ki bwa luli! Ni kuli bupilo ki
 swalelele fela!
 Mane libita hakona mafelelezo abona;
 Kakuli wena u liluli, u kutela kwa liluli,
 Zeo ne li si ka bulelwa kwa moyo.
 Bupilo bwa lindwalume kaufela bwa lu
 hupulisa,
 Mi lukona kumbweshafaza bupilo bwaluna,
 Mi, kutoba, ku lu siyela,
 Mitala fa mashabati a nako;
 Mitala, kuli mwendi babañwi,
 Halunze lu sila katata mwa buliba bwa bupilo,
 Muzwale yasina tabo ya tibezwi ki sisepe,
 Ka kubona, lu ka tiya lipilu hape.
 Kifo he lu yemeñi, mane, lukale kuzamaya,
 Ni pilu ye i kataza;
 Lusike lwaba sina likomu ze sa buleli, ze lisiwa
 fela!
 Ube muhali mwa ndwa!

²⁷⁰ Mulimu Yomunde, ki ba Hao. Ni boni baana bababeli baba yemi, Ndate. Na lapela, Mulimu, kuli U bange cwale. Ba bata kuba bana ba Hao. Kele ba nanguka kwa ku sa ziba kwabona ka bupilo bo ba pilile, mi cwale ba bata kuba babanca, babe sinca, ka kolobezo ya Moya o Kenile fa Peu yani ye cezwi mwa lipilu zabona ka lizazi lee. Mulimu wa Kamita, Mubupi wa linto kamukana, Wena ya ezize Linzwi la Hao, mi Ni lumela kuli No ziba kuli baana ba baka eza taba ye kakusasana cwana. Na lapela, Mulena, kuli U selaele Linzwi leo, musihali ni busihu, mi usike wa lumeleza Satani ku li zwisa mwa mazoho a Hao. Ikone kuba kota kuli linako zeñwi, mwa Paradaisi ya Mulimu, ha se i tisizwe sinca hape, kakuli Linzwi la Hao halikoni ku palelwa, likaba cwalo hape. Kakuli lifasi le . . .

²⁷¹ Mi hakuna kuba mufuta wa zwelopili ya mufuta wo mwa lifasi le litaha. Hakuna kuyoba limota kamba mane hakuna se i pangile sayansi. Hakuna kuba nto yecwalo mwa lifasi lelitaha. Kono ikaba mufuta wa zwelopili ya Mulimu Kasibili yeo Aka toma mwa puso ye kanya. Kakuli, mwa zwelopili ye kuna ni matuku, lifu, maswabi, mabita, ni kutokwa. Kono haili mwa Mubuso wani o taha, mona hakuna lifu, hakuna maswabi, hakuna makulano, hakuna kusupala. O Mulimu, likaba zenca kwani, mwa zwelopili ya Hao.

²⁷² Mulimu, lu fetule kacenu, ka mata a Hao, ka kushemunwa mwa maikuto a luna, kuli lufetuhe kuzwa kwa litaba zenyinyani

za lifasi le cwale, kutaha kwa Linzwi la Mulimu. Mi ha lu shemunwe ka kufetulwa ka mata a Mulimu fa Peu ye li mwa lipilu zaluna, kuli lwa lumela, kuba libupisa zebizwa bana babashimani ni basizana ba Mulimu. Ye kona tapelo yaka ku Wena, Ndate, kwa sicaba, ka Libizo la Jesu. Amen.

²⁷³ Cwale ku mina babali kwande kafoo fa silimba, kaufela ko muinzi, Ni bata kuli mu amuhele Kreste kwande koo, kuba Mupulusi wa ha mina, mi mu tale ka Moya wa Hae. Manzwi a bulezwi kakusasana cwana, Hakene mwa lipilu za mina. Mi cwale ha ba amuhele Jesu. Mi u tokomele bupilo bwa hao, mi ubone mo ka pilela kuzwa foo. Mi unge Sefa ya mutu ya nahana faa. Ha u ipona kuli ueza sika se si fosahalile ni Linzwi le, zwaa kwateni, kapili fela. Mwabona? Kakuli, kuna ni Sefa ye ka leleka lifu kwahule ni wena, leo ki Linzwi la Mulimu. Manzwi a Hae kona Bupilo, mi Aka ku buluka kwa lifu.

²⁷⁴ Mina sicaba cwale mo babali mwa tuyaho wo, Ni bile ni mina mo fa nako yetelele hahulu. Ni itumezi ka kutaha kwa mina. Ni lapela kuli Mulimu asike atuhela Peu ye ku shwa. Ni sepa ha mu nahani kuli Ni yemi fa ni kubulela lika ze ka kuba fela ya shutani. Ni bulela bakeñisa lilato; ni kuziba kuli ki nako ye Nili mwa mubili wa nama, sina ha Ni ziba, kona fela nako ye Ni kona kukutaza kwa sicaba. Mi Ni lata Jesu Kreste. Ki Mupulusi wa ka. Mi muhupule, Ne ni kaba kwande koo mwa mikwakwa kambe ne si ka bakala Hae. Ne ni kaba kwande kwani; bashemi baka kaufela, sicaba sa hesu kaufela, neli baezalibi. Kono Mulimu, ka mata a Hae a kufetula, Ni ziba kuli na ezize sibupiwa se si shutani ku na. Mi Na kona—Na kona ku mi zibisa zona, kuli ki zende. Mi aka mi buluka mwa linako za butata. Neba lifu, fa munyako, hauna kusaba. “Hakuna se si ka lu kauhanya kwa lilato la Mulimu, le lili ku Kreste.” Mi Mulimu afuyole mañi ni mañi wa mina, ni ku mifa Bupilo Bobusafeli.

²⁷⁵ Ki ba bakai mo babasina Peu ya Mulimu, yona kolobezo ya Moya o Kenile? Munanule fela mazoho amina, ni kubulela kuli, “U ni hupule, Muzwale Branham, kuli Ni amuhele Moya o Kenile.” Cwale munge Linzwi mwa—mwa lipilu zamina, ni ku Li lumela. Cwale haiba mu ka . . . Mwakona ku italicima. U zamaye ortalime mwa siponi, mi uka bona bona fo uinzi. Mwabona, mwakona kuziba.

²⁷⁶ U li, “Kihande, ha Ni si ka nanula lizoho laka, kakuli Ni lumela kuli Ni nanuzi.”

²⁷⁷ Iyalime ili wena mwa siponi, kona uka bona mufuta wa moyo osweli kukupuma, mwabona. Minahano ye pumilwe! “Kuna ni nzila yebonahala kuluka ku mutu, kono mafelelezo a yona ki lifu.” Ki niti yeo kana?

Fa sifapano fana shwezi Mupulusi waka,
Teñi Na lila sibi ha si tapiswa;

Oh, mwa pilu yaka na tozwa Mali;
Kanya . . .

²⁷⁸ Amu itime feela kwa meto, fa muzuzu cwale, ni ku i opelela fela Yena. Ha lu nanuleñi mazoho aluna mwahalimu.

Kanya kwa Libizo la Hae, Libizo la Hae
lelinde!

Kanya kwa Libizo la Hae!
Mwa pilu yaka na tozwa Mali;
Kanya ku Yena . . .

²⁷⁹ Ni bata kuli mina Bakreste muswalane mwa mazoho ni yomuñwi ya pilisizwe.

Ni pilile ka makazo kuzwa kwa sibi,
Jesu upila kuna ha munati,
Kwa sifapano a Ni nopa;
Kanya kwa Libizo la Hae!

Kanya kwa Libizo la Hae, Libizo lelinde!
Kanya kwa Libizo la Hae!
Oh, mwa pilu yaka na tozwa Mali;
Kanya kwa Libizo la Hae!

²⁸⁰ Mali ana ni peu ya Bupilo ku Ona, mwa ziba. Se ki kubaba za Mu zibi.

Oh, taha kwa Siliba se si tezi bufumu ni
munati;
Beya moyo wa hao kwa mahutu a Mupulusi;
Oh, taha kacenu, mi ube ya kenile;
Kanya kwa Libizo la Hae!

Oh, kanya ku . . .

Ha lu inamiseñi litoho zaluna hanze lu i opela.

Kanya kwa Libizo la Hae!
Mwa pilu yaka na tozwa Mali;
Kanya kwa Libizo la Hae!

²⁸¹ Mwa Mu lata? [Kopano ili, “Amen.”—Mu.] Paulusi naize, “Ni ka opela ka Moya. Ni ka lapela ka Moya.” Ha lu i opeleñi habunolo hape, ni mazoho aluna ananuhezi mwahalimu.

²⁸² Mwa ziba, butata bwatene, luna sicaba sa Pentekota, lu latehezwi ki tabo yaluna, lu latehezwi ki maikuto aluna. Sina Billy Grahama ha na bulezi busihu bobuñwi kuli, “Bakutazi bani, ba makola afutukezi mwahali, habaya kwa Mboela, inge ba kambela mazoho abona, ni ku kiba-kiba kwa mahutu mwa fafasi, ni ku cika, nebana ni se ne ba tabezi.” Kihande, ehe, Ni na ni Se Ni tabezi ka zona. Mwabona? Mwabona? Ehe. Ehe, lu latehezwi ki maikuto aluna.

²⁸³ Cwale halu nanuleñi mazoho aluna. Musike mwa bilaela ka mioko, haina ku filikanya, mwabona. Zeo hali filikanyi. “Ya ya

inza hasa lipeu, ka mioko, uka kuta hape kusina kukakanya, inza lwezi mañata.” Ku lukile.

Kanya kwa Libizo la Hae, Libizo lelinde!

Kanya kwa Libizo la Hae!

Mwa pilu yaka na tozwa Mali;

Kanya kwa Libizo la Hae!

Kanya ku la Hae... (O Mulimu! Kulumbwe
Mulimu!)

Kanya kwa Libizo la Hae!

Cala Peu, Mulena, mwa pilu!

Mi mwa pilu na tozwa Mali;

Kanya kwa Libizo la Hae!



MATA A MULIMU A KU FETULA LOZ65-0911
(God's Power To Transform)

Liñusa le ka Muzwale William Marrion Branham, neli kutilizwe lwa pili mwa Sikuwa la Pelekelo kakusasana, Mwimumene 11, 1965, kwa mukushuko wa ba Full Gospel Business Men's Fellowship International ili fa Ramada Inn mwa Phoenix, Arizona, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatisizwe ni ku hasanyiwa kiba Voice Of God Recordings.

LOZI

©2021 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitusiswe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangelí ya Jesu Kreste. Buka ye hailekiswi, kuatiswa mwa buńata, ku nepelwa fa moyá wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa masheleńi ku sina tumelelano niba Voice Of God Recordings®.

Ka litaba zeńata kamba ka libuka zeńwi ze liteni, shangwe muńolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org